

2 Corintios

He⁻ la⁻ jee' ga⁻tē' to¹ je⁻ he⁻ ga⁻sih' Paa' kih' øøh' jne' hi⁻ chaa⁻ Corinto

1 ¹ Jnä' Paa' laan' apóstol kyaa' Jesucristo lä⁻ hyoh⁻ dsē' Dio.
Kyaah' Timotä øøh' jne' siin⁻ kyah' hnäh' hi⁻ tääh' gwah⁻ kih' Dio jwii⁻ Corinto lä⁻kye⁻ kih' lä⁻jëe⁻ hi⁻ laa' kyaa' Dio hi⁻ tääh' lä⁻kaa⁻ hwa' Acaya. ² Ngiin' kih' Dio hi⁻ laa' Täa⁻ jnän⁻ hi⁻ ngiin' kih' Dsa⁻jøøh' jnän⁻ Jesucristo, wa' kway' he⁻ llu' kyah' hnäh', hi⁻ wa' jmeey' hii' ti' kyah' hnäh'.

Kwa⁻ ba' Dio be' jnän⁻ lä⁻ ma' jëe' jne' he⁻ wii'

³ He⁻ ba' che⁻ lluu' Dio, Jmii⁻ Jesucristo Dsa⁻jøøh' jnän⁻, hi⁻ laa' Täa⁻ jnän⁻ hi⁻ lä⁻nih' dsē' jne', hi⁻ laay' Dio jnän⁻ hi⁻ jmee⁻ dsa⁻nøh' dsē' jne'.
⁴ Ma' chaa⁻ jne' lli' wii', hi⁻ he' jñuuh⁻ he⁻ ti⁻meeh⁻ dsē' jne'. Mah' lä⁻ja⁻ ka⁻läh' jne', kwan' be' kih' jñah' hi⁻ ti⁻meeh⁻ dsē' lä⁻koo⁻ ma⁻jmeey' Dio he⁻ ma⁻nøh' dsē' jne'.
⁵ Jëeh', tøøh' jne' jëen' cha⁻miih⁻ lli' wii' lä⁻koo⁻ ga⁻jëe' Cristo. Hi⁻ ja⁻ba' lä⁻ja⁻, ta⁻la⁻ kih' Cristo, tøøh' jne' jëe⁻ dsē' jne' cha⁻miih⁻.
⁶ He⁻ja⁻ wa⁻ra⁻ ga⁻jëe' jnääh' lli' wii', la' llu' kyah' hnäh' mah' ja⁻lääh' hnäh'. Hi⁻ ma' jëe⁻ dsē' jnääh', he⁻ ja⁻ jmee⁻ dsa⁻nøh' hoh' hnäh' hi⁻ kwëeh⁻ hoh' hnäh' ma' jëeh' hnäh' he⁻ wii', ja⁻ba' lä⁻koo⁻ wii' he⁻ ma⁻jëe' jnääh'.
⁷ Heh' o⁻jøh⁻ dsē' he⁻ cha⁻ kyaa' jnääh' ta⁻la⁻ kyah' hnäh', sa⁻ llaa⁻. Jëeh', ñe' jnääh' lä⁻koo⁻ jëe' jnääh' wii', ja⁻ba' lä⁻ja⁻ jëeh' hnäh' wii'. Hi⁻ ja⁻ba' lä⁻koo⁻ dsa⁻nøh' dsē' jnääh', ja⁻ba' lä⁻ja⁻ dsa⁻nøh' hoh' hnäh' ka⁻läh'.

⁸ Øøhn', hnøø⁻ jnääh' lä⁻neh' hnäh' ha⁻ koh' wii' sa⁻ ga⁻ngëe' jnääh' hwa' Asia. Ma' jmee⁻ jnääh' huud⁻dsē⁻ sa⁻ ma' lä⁻täa⁻ jnääh'. Lä⁻jiih' sa⁻ ga⁻lä⁻cha⁻ o⁻jøh⁻ dsē' he⁻ ma' lää⁻ jnääh'.
⁹ Ma' jmee⁻ jnääh' huud⁻dsē⁻ he⁻ ma⁻na⁻juu' ba' jnääh' ja⁻. He⁻ja⁻ ga⁻jmaa' kyaa' jnääh' mah' sa⁻ kye' jnääh' o⁻jøh⁻ dsē' kyaa' hñaa' jnääh'. Mah' lä⁻ja⁻ lä⁻cha⁻ o⁻jøh⁻ dsē' kyaa' jnääh' kih' Dio hi⁻ mi⁻jiih' hi⁻ ma⁻na⁻juu'.
¹⁰ Hi⁻ he' ga⁻lää⁻ jnääh', hi⁻ he' lää⁻ jnääh', hi⁻ kye' jnääh' o⁻jøh⁻ dsē' kiyh', lä⁻ ma⁻ngoo' ja⁻ba' lääy⁻ jnääh' ma' hii' goo⁻juu' jnääh'.
¹¹ Lä⁻ja⁻ jmeey' cher'mah' kwah⁻ hnäh' be' ngii' hnäh' kyaah' jnääh' kiyh'. Jëeh' cher'mah' jwëe' ngii' kih' Dio ta⁻la⁻ kyaa' jnääh', lä⁻ja⁻ ka⁻läh' jwëe' kwa' ti'hmaah' kih' Dio ma⁻ngëe' ma⁻jmeey' he⁻ llu' kyaa' jnääh'.

Ga⁻mi⁻sih' Paa' huud⁻dsē⁻ he⁻ ma' dsooy' ta⁻ jwii⁻ Corinto

¹² He⁻ la⁻ ba' ja⁻ he⁻ tih⁻ dsē' jnääh', he⁻ sa⁻ hñii⁻ huud⁻dsē⁻ kyaa' jnääh' lä⁻koo⁻ ga⁻jmeey' jnääh' ta⁻ jee' jyoh'. Kye' jnääh' koo⁻ nëe' ba' huud⁻dsē⁻ he⁻ gwa' kih' Dio. Sa⁻ ga⁻jmeey' jnääh' lä⁻koo⁻ jmee⁻ hi⁻ kyuuh⁻ cha⁻miih⁻. Ga⁻jmeey' jnääh' lä⁻koo⁻ lle⁻ kih' ba', kih' he⁻ llu' dsē' Dio kyaah' jnääh'. Lä⁻ja⁻ cha⁻ga⁻miih⁻ llu' ga⁻jmeey' jnääh' jee' kyah' hnäh'.

¹³ He⁻ ma⁻siⁱ jnääh¹ kyah¹ hnäh^ʹ, la¹ kyaah¹ koo⁻ nää¹ ba¹ huu¹dsē⁻. Ha⁻ koo⁻ jiih¹ lä⁻ngēeh^ʹ ba¹ hnäh^ʹ jee¹ hēh¹ hnäh^ʹ he⁻ ma⁻siⁱ jnääh¹ la⁻, ko⁻ja⁻ ba¹ la¹ huu¹dsē⁻ kya¹ jnääh¹. Hi⁻ hnoon¹ täh⁺ hoh^ʹ hnäh^ʹ llu¹, ¹⁴ lä⁻koh^ʹ ma⁻lä⁻ngēeh^ʹ hnäh^ʹ miih⁻ ha⁻ lä⁺ le^ʹ jnän⁻ wa⁻ra⁻ ga⁻tē^ʹ jee¹ jāh^ʹ Jesús Dsa⁻jøøh¹ jnän⁻. Jēeh^ʹ ja⁻ba⁻ lä⁻koo⁻ lä⁻chaa⁻ jnääh¹ llu¹ kwaat⁻ kyah¹ hnäh^ʹ, ja⁻ba⁻ lä⁻ja⁻ lä⁻chaa⁻ hnäh^ʹ llu¹ kwaat⁻ kya¹ jnääh¹ jmiⁱ ja⁻.

¹⁵ Ma⁻ra⁻ ju¹dsoo^ʹ lä⁻ja⁻ le^ʹ jnän⁻. Ma¹ jmeen⁻ huu¹dsē⁻ ma¹ niin⁻ to⁻nē⁻ ta⁺ jee¹ tääh^ʹ hnäh^ʹ. Hi⁻ lä⁻ja⁻ ka⁻läh^ʹ ta⁻la⁺ he⁻ ma¹ jāhn^ʹ ma¹ na¹jēen⁻ hnäh^ʹ mah¹ tē¹ to¹ jiih⁻ lä⁻chaa⁻ hnäh^ʹ llu¹. ¹⁶ Jee¹ tääh^ʹ hnäh^ʹ na⁻ ma¹ niin⁻ ta⁺ Macedonia. Hi⁻ Macedonia ja⁻, ma¹ jāhn^ʹ ka⁻läh^ʹ ta⁺ jee¹ tääh^ʹ hnäh^ʹ. Hi⁻ kyaah¹ be^ʹ kyah¹ hnäh^ʹ ma¹ niin⁻ ta⁺ Judea. ¹⁷ Lä⁻koo⁻ ma¹ ga⁻jmeen¹ huu¹dsē⁻ lä⁻ja⁻, ja⁺ he⁻ koon⁺. O ÷che¹ laah^ʹ hnäh^ʹ ga⁻jmeen¹ huu¹dsē⁻ lä⁻koo⁻ jaa⁻ hi⁻ ta⁻juu¹ hi⁻ jāh^ʹ “jaah⁻” mah¹ ja⁻ga¹ jāyh⁺ “jah⁻ha¹”? ¹⁸ Mi⁻te¹ ba¹ Dio juu¹ kih¹. Ja⁻ba⁻ lä⁻ja⁻ jnääh¹ ka⁻läh^ʹ. Sa⁺ jāh^ʹ jnääh¹ “jaah⁻” mah¹ ja⁻ga¹ jāh⁻ jnääh¹ “jah⁻ha¹”. ¹⁹ Hi⁻ lä⁻ja⁻ ka⁻läh^ʹ juu¹ kih¹ Jesucristo Jo^o Dio he⁻ ga⁻kwa¹ jnääh¹ jee¹ kyah¹ hnäh^ʹ, kyaah¹ Silvano hi⁻ kyaah¹ Timotä, sa⁺ ma¹ la¹ “jaah⁻, jah⁻ha¹”, koo⁻ “jaah⁻” ba¹ ma¹ la¹, jēeh^ʹ sa⁺ ta⁻juuy¹. ²⁰ Jēeh^ʹ ga⁻lä⁻jē⁺ he⁻ ga⁻bääh⁻ Dio hñii^ʹ jmeey¹ ta⁻la⁺ kih¹ jooy^ʹ, koo⁻ “jaah⁻” ba¹ la¹. Ma⁻ra⁻ he⁻ mi⁻tey¹ ba¹ juu¹ kiyh¹. He⁻ja⁻ ba¹ ja⁻, ta⁻la⁺ kih¹ Cristo jāh⁻ jne¹ “Wa¹ la¹ lä⁻ja⁻” mah¹ jmeen¹ juuh⁻ kih¹ Dio jnän⁻. ²¹ Dio ba¹ hi⁻ jmee⁻ he⁻ tøøh¹ jne¹ koo⁻ hweh⁻ kyaah¹ Cristo hi⁻ ga⁻lleeyh⁻ jne¹ mah¹ lee¹ jne¹ kyaay¹. ²² Ga⁻tooyh⁻ Jmi⁻lle¹ Na⁻jngii¹ kiyh¹ neh⁺ tuh⁻dsē⁻ jne¹, lä⁻koo⁻ he⁻ ga⁻jmäy¹ jne¹ lee⁻. He⁻ja⁻ ñe¹ jne¹ hñah⁺ ga¹ jne¹ ta⁺ cha⁻ñe⁻.

²³ Ñe¹ ba¹ Dio he⁻ sa⁺ ga¹ ma⁻ñeen¹ jwiⁱ Corinto jee¹ tääh^ʹ hnäh^ʹ na⁻ kih¹ he⁻ ga⁻lä⁻ñih^ʹ dsen⁻ kyah¹ hnäh^ʹ. ²⁴ Ja⁺ he⁻ hnøø⁻ jnääh¹ jmee¹ jnääh¹ mada⁻ kyah¹ hnäh^ʹ jee¹ hnääh¹ Dio. He⁻ hnøø⁻ jnääh¹ jmee¹ jnääh¹ be^ʹ kyah¹ hnäh^ʹ ba¹ ja⁻, mah¹ jēē^ʹ hoh^ʹ hnäh^ʹ. Jēeh^ʹ, kih¹ he⁻ ma⁻heeh⁻ hnäh^ʹ kih¹ Dio, he⁻ja⁻ ma⁻tääh^ʹ hnäh^ʹ koo⁻ hweh⁻.

2 ¹ He⁻ja⁻ ga⁻lla^ʹ dsen⁻ he⁻ sa⁺ ñeen¹ na¹jēen⁻ hnäh^ʹ cher¹mah¹ koo⁻ ka⁻läh^ʹ jmeen⁻ ti⁻meeh⁻ hoh^ʹ hnäh^ʹ. ² Jēeh^ʹ, cher¹mah¹ ga⁻jmeen¹ ti⁻meeh⁻ hoh^ʹ hnäh^ʹ, ÷hii⁻ mo⁺ jmee¹ jēē⁻ dsen⁻ cher¹mah¹ ga⁻jmeen¹ lä⁻ja⁻? Ma⁻la⁺ hnäh^ʹ ba¹ hi⁻ jmee¹ jēē⁻ dsen⁻. ³ Kih¹ he⁻ja⁻ ba¹ ma⁻siin¹ kyah¹ hnäh^ʹ mah¹ wa⁻ra⁻ ga⁻lloon¹ na¹jēen⁻ hnäh^ʹ, sa⁺ jmeeh¹ hnäh^ʹ ti⁻meeh⁻ dsen⁻, hnäh^ʹ hi⁻ ma¹ jmee⁻ jēē⁻ dsen⁻. Cha⁻ba⁻ o⁻jøh⁺ dsē⁻ kin⁺ kyaah¹ hnäh^ʹ, he⁻ tääh^ʹ hnäh^ʹ jēē⁻ hoh^ʹ hnäh^ʹ lä⁻koo⁻ jnä^ʹ. ⁴ Lä⁻koo⁻ ma¹ ga⁻siin¹ kyah¹ hnäh^ʹ, sa⁺ ma¹ chaan⁻ llu¹, ma¹ ti⁻meeh⁻ dsen⁻ jwē⁻te, lä⁻jiih¹ ja¹ hoohn¹. Pero ja⁺ he⁻ ga⁻siin¹ mah¹ jmeen⁻ ti⁻meeh⁻ hoh^ʹ hnäh^ʹ. Ga⁻siin¹ mah¹ lä⁻ñeh^ʹ hnäh^ʹ he⁻ hnaan⁻ hnäh^ʹ cha⁻miih⁻ ba¹ ja⁻.

Hnøø¹ jøh⁻ dsē⁻ jne¹ kih¹ hi⁻ ga⁻jmee^ʹ he⁻ hliih¹ mah¹ jāyh^ʹ ka⁻läh^ʹ

⁵ Hi⁻ ga⁻jmee^ʹ ti⁻meeh⁻ dsen⁻, ja⁺ ma⁻la⁺ kin⁺ ga⁻jmeey^ʹ lä⁻ja⁻. Ga⁻jmeey^ʹ kih¹ lä⁻jēē⁺ hnäh^ʹ he⁻ ti⁻meeh⁻ hoh^ʹ hnäh^ʹ miih⁻. Jwēēhn⁻

hnäh' lä'la-, mah' sa' jmeen` juuh- kih' juu' la-. ⁶ Ma'lee+ ko-na- kih' dsa- he', lä'koo- te' he- ma'heeh` hnäh' wii'. ⁷ He'ja- na', llu' ga' he- jmeeh' hnäh' jøh- hoh' hnäh' kiyh', mah' jëë- dsëy', le' ga- che- ga'hee' dsëy' kih' he- ti-meeh- dsëy' cha-miuh-. ⁸ He'ja- chuun' kyaah' hnäh', mi-jnääh' hnäh' kiyh' he- hnaah+ hnih'. ⁹ Lä'ja- ka-läh' ga-siin' kyah' hnäh' jää', mah' jëen- che' nuuh' hnäh' kih' lä'jë- mada- kin+. ¹⁰ Cher'mah' jøh- hoh' hnäh' kih' dsa-kyaa' hnäh', jnä' ka-läh' jmeen` jøh- dsën+ kiyh'. Heh' he- jmeen` jøh- dsën+ ja- (cher'mah' cha- he- kih' jmeen` jøh- dsën+) he- jmeen` lä'ja-, he- llu' kyah' hnäh' ba' ja-, cha'në' Cristo. ¹¹ Heh' lä'ja- sa' kwan' jwë' kih' Tana' leeyh+ jne'. Jëeh', kyuu~ ba' jne' ha- lä' la' may~ kiyh'.

Ga'lä'meeh+ dsë' Paa' lä' ma' gyay' jwii- Troa

¹² Ma' ga'loon' jee' jwii- Troa, ma' kwan` ju'hmëë' kih' Cristo. Jee' ja- Dsa-jøøh' jnä` ga-nä' jwë' kin+ mah' ma' jmeen` ta' kiyh'. ¹³ Pero sa' ga'hi' tii' neh+ tuh-dsën+ kih' he- sa' ga'jnääh' øøhn' Tito. He'ja- ga'hih' juu' kih' dsa- he' mah' ngoon' ta' Macedonia ba'.

Ta'la+ kih' Cristo leh+ ba' jne'

¹⁴ Ti'hmaah' Dio hi- kwa+ jwë' leh+ jne' tää' kyaah' be' kih' Cristo Jesús. Lä'kaa- jee' dsa-nøø' jne', nuu' dsa- juu' kih' Dio. Lä'koo- he- kye' jne' lle' mi-jwii- he- jwä~ uu' ba' la'. ¹⁵ Ta'la+ kih' Cristo laa' jne' lä'koo- lle' mi-jwii- he- soo- jee' gya' Dio. He- na- la' jmeh' he- taah~ dsa- hi- dsa-lää' hi+ lä'kye- hi- dsa-hee' ka-läh'. ¹⁶ Kih' hi- dsa-hee', hii- lä'koo- jaa- hlii'. Hi+ kih' hi- dsa-lää', hii- mi-jwii- he- kwa- jne' juu' he- jmee+ chaa- dsa-. ¿Hii- ba' tää+ jmee' ta' la'? ¹⁷ Sa+ jmee- jnääh' lä'koo- jmee+ jwëë' hi- ga-nääh' kwa+ juu' kih' Dio ha- lä' jee' liyh+ kuu'. Kyaah' koo- nëe' ba' huudse- ga-nøø' jnääh' lä'koo- ga-chee' Dio jnääh'. Lä'ja- jmee' jnääh' cha'nëy', lä'llu' he- tøøh' jnääh' kyaah' Cristo.

Ga'hlëeh' Paa' kih' hmooh' hmëë'

3 ¹ Pero ta+ jmee- hnäh' huudse- he- hlëeh' jnääh' llu' kyaah' hñaa' jnääh'. Hi+ sa' jmee+ bii' kye' jnääh' koo- je- he- ngëë- juu' hee- ta' laa' jnääh' lä'koo- jmee+ ko-llaa'. Ni+ sa+ ngii' jnääh' kwah' hnäh' koo- je- he- hlëeh' llu' kyaa' jnääh' mah' heeh' jnääh' dsa- ha- jee' tëë' jnääh'. ² Hñaa' ba' hnäh' laah' hnäh' lä'koo- je- he- hlëeh' llu' kyaa' jnääh'. Lä'koo- he- na-sii- neh+ tuh-dsë- jnääh'. He- ja- ba' jëë' dsa- hi+ kay' kwaat- ha- lä' la' ta' he- ga'jmeë' jnääh' jee' kyah' hnäh'. ³ Jnä'hä' laah' hnäh' lä'koo- je- he- ga'sii' Cristo ta'la+ kyaa' jnääh'. Ja+ he- na-sii- kyaah' hee-. He- na-sii- kyaah' Jmi-llë' kih' Dio jiih+ ba' ja-. Ni+ sa+ na-sii- në' mi'kuu', he- na-sii- neh+ tuh-dsë' dsa- ba'.

⁴ Ta'la+ kih' Cristo jmee- jnääh' kwaat~, ma'ra+ he- ga'jmää' kyah' hnäh' ta' he- ga'jmeë' jnääh'. He- ja- la' o-jøh+ dsë- he- cha- kyaa' jnääh'

cha'nē Dio. ⁵ Ja' kyaah' be' kyaa' jnaäh' he' ma'ya-nøø' jnaäh' jmee' jnaäh' ta' la', mah' sa' jmee' jnaäh' huudsē he' la' ta' kyaa' hñaah' jnaäh'. Sa' la' lä'ja'. Ta' he' leh' jnaäh' jmeen', la' kyaah' be' kih' Dio ba' ja'. ⁶ Hi' he' ba' ga'hñaah' jnaäh' hi' ga'jmeey' he' tē'dsēē' jnaäh' mah' kwa' jnaäh' juu' ha' lä' la' hmooh' hmēē'. Ja' koo' na'sii' ta'jmah', kyaah' Jmi'llē' ba' la' hmooh' hmēē'. Jēēh', nē' ley kih' Moisé na'sii', ma'na-bääh' jne' he' juu' ba' jne' ja'. Pero Jmi'llē' kih' Dio jmee' chaa' jne'.

⁷ Ley he' ma' na'sii' nē' jwi' kuu', he' taah' jne' dso'jwii', he' ja' ja' kyaah' je' tō'jlēē' nih'. He' ja' dsa' Israel sa' ga'täy' ma' jēy' mo'nē' Moisé kih' he' beē' je' ja'. Pero ga'dsaa' ba' he' beē' ja'. ⁸ Ha' ga' sa' llu' cha'ga'miih' hmooh' hmēē' he' la' jnän' ta'la' kih' Jmi'llē' kih' Dio. ⁹ Jēēh', cher'mah' ja' kyaah' je' tō'jlēē' nih' juu' he' taah' jne' dso'jwii', ha' ga' koo' sa' jnaah' juu' he' jmää' jne' lluu'. ¹⁰ Heh' he' tō'jlēē' nih' kih' hmooh' ma'gyuh' ja', ni' miih' sa' jēh' kwee' lä'koo' jnaah' la' hmooh' hmēē'. ¹¹ Jēēh', cher'mah' ma' la' tō'jlēē' nih' hmooh' he' ma'ngēē' ja', ha' ga' sa' jnaah' cha'ga'miih' hmooh' he' sa' ngēē' jih'koh'.

¹² Peer' jnaah' la' he' o'jōh' dsē he' ma'cha' jnän' kyaah' hmooh' hmēē', he' ja' hlēēh' jnaäh' lä'kaa' tuh' dsē jnaäh' kih' he' na'. ¹³ Sa' jmee' jnaäh' lä'koo' ga'jmeey' Moisé he' ma' jlēy' mo'nēy' kyaah' koo' jwi' hmiih' mah' sa' ma' jēē' dsa' Israel je' tō'jlēē' nih' ja' ta'ko'jiih' ma' dsa'uu'. ¹⁴ Lä'ja' ka'läh', huudsē kih' dsa' he' ma' na'jlē'. Lä'ja' la' lä'jiih' na', wa'ra' ga'hēy' jee' na'sii' hmooh' ma'gyuh' ja'. La' kiyh' lä'koo' na'jlē' jwi' hmiih' huudsē kiyh', sa' kwa' jwē' lä'ngēēy'. Pero kyaah' Cristo dsa'jnūh' he' na'jlē' huudsē kiyh'. ¹⁵ Lä'jiih' jmi' na', wa'ra' ga'hēy' he' ga'sii' Moisé, lä' ma'na'jlē' ja' ba' huudsē kiyh'. ¹⁶ Pero wa'ra' ga'heeh' dsa' kih' Dsa'jōøh' jnän', dsa'jnūh' he' na'jlē' huudsē kiyh'. ¹⁷ Jēēh', Dsa'jōøh' jnän' laa' Jmi'llē' Na'jngii'. Hi' cher'mah' Jmi'llē' kih' Dsa'jōøh' jnän' kyaah' jne', ma'na'na' huudsē jnän' hi' ma'laa' ba' jne' cha'nē' Dio. ¹⁸ He' ja' lä'jēē' jne' ga'nøøn' na'jniih' mo'nē' jne', laa' jne' lä'koo' hu' he' jēē' jee' kih' dsa' mah' tēy' jēy' ha' koh' jōøh' sa' laa' Dsa'jōøh' jnän'. Lä'ja' Dsa'jōøh' jnän' hi' laa' jmi'llē' ngoo' mi'sēy' jne' lä'jiih' leē' jne' lä'koo' laay' hñiiy'.

4 ¹ Kih' he' ga'lä'nih' dsē' Dio jnaäh', he' ja' ga'hñah' jnaäh' jmee' jnaäh' ta' la'. He' ja' sa' dsa'jeh' dsē jnaäh'. ² Ma'jmeey' jnaäh' ta' koo' lä'jē' he' la' o'hih' hi' lä'jē' he' jmee' dsa' jee' na'hmäā'. Sa' hnøø' jnaäh' may' hliih' ja', ni' sa' mi'sii' jnaäh' juu' kih' Dio. Ñē' ba' Dio he' hlēēh' jnaäh' ju'dsoo' jmah' hi' lä'ja' lä'jēē' ba' ñē' kwee' ha' lä' jmee' jnaäh'. ³ Dsoo' ba' na'hmäā' ba' la' ju'hmēē' he' kwa' jnaäh', pero ma'la' kih' hi' ma'kah' jwē' ba'. ⁴ Tana' hi' laa' dio kih' jmi'gyuu' la', ga'jlēy' huudsē kih' dsa' hi' sa' ma'heeh' kih' Dio. Mah' lä'ja' sa' jēy' wa'je' kih' ju'hmēē' he' mi'jnää' ha' koh' sa' jōøh' laa' Cristo hi' laa' koo'

heeh⁺ kyaah⁺ Dio. ⁵ Sa⁺ hlëeh⁺ jnaäh⁺ juu⁺ kyaa⁺ hñaa⁺ jnaäh⁺, hlëeh⁺ jnaäh⁺ kih⁺ Jesucristo ba⁺. Jäh⁻ jnaäh⁺ laay⁺ Dsa⁻ jøøh⁺ jnän⁻ mah⁺ jmee⁻ jnaäh⁺ ta⁺ he⁻ kyah⁺ hnäh⁺ kwaat⁻ kih⁺ Jesús. ⁶ Hih⁺ Dio hi⁻ ga⁺ jah⁺: “Wa⁺ lä⁺ jnä⁺ wa⁺ je⁻ jee⁻ na⁻ hoo⁻”, hi⁻ he⁺ ga⁺ mi⁻ jnä⁻ wa⁺ je⁻ neh⁺ tuh⁻ dsë⁻ jne⁻. Lä⁺ ja⁻ ga⁺ na⁺ huu⁻ dsë⁻ jnän⁻ mah⁺ lä⁺ kyuu⁻ h⁻ jne⁻ ha⁻ koh⁺ jøøh⁺ sa⁺ laa⁺ Dio, lä⁺ koo⁻ ga⁺ mi⁻ jnä⁻ Cristo jnän⁻.

Chaa⁻ jne⁻ kyaah⁺ he⁻ ma⁻ dsoo⁺ dsë⁻ jne⁻ kih⁺ Dio

⁷ Peer⁺ jnaah⁺ la⁺ ta⁺ he⁻ jmee⁻ jnaäh⁺ la⁻, ma⁻ ke⁺ laa⁺ jnaäh⁺ lä⁺ koo⁻ mi⁻hya⁻ he⁻ na⁻ la⁻ kyaah⁺ gwaah⁺ mah⁺ lä⁺ ja⁻ lä⁺ jnä⁺ kih⁺ dsa⁺, ta⁺ he⁻ jmee⁻ jnaäh⁺ la⁺ kyaah⁺ be⁺ he⁻ gwa⁺ kih⁺ Dio, ja⁺ he⁻ gwa⁺ kyaa⁺ jnaäh⁺. ⁸ Na⁻ ku⁻ na⁻ ngii⁻ he⁻ wii⁺ dsa⁻ ngëe⁺ jnaäh⁺, pero sa⁺ jeh⁻ dsë⁻ jnaäh⁺. Chaa⁻ jnaäh⁺ cha⁻ miih⁻ huu⁻ dsë⁻, pero ma⁻ ra⁺ he⁻ cha⁻ ba⁺ o⁻ jøøh⁺ dsë⁻ kyaa⁺ jnaäh⁺. ⁹ Hëe⁻ dsa⁻ kyaa⁺ jnaäh⁺ pero Dio sa⁺ bee⁻ jnaäh⁺. Jmeeh⁻ dsa⁻ jnaäh⁺, pero sa⁺ dsa⁻ juu⁺ jnaäh⁺. ¹⁰ Lä⁺ kaa⁻ jee⁻ ga⁻ nøø⁺ jnaäh⁺ hii⁺ goo⁻ juu⁺ jnaäh⁺ kwaat⁻ kih⁺ Jesús. Lä⁺ jwë⁺ ja⁻ dsa⁻ lä⁺ jnä⁺ he⁻ cheh⁺ Jesús kyaa⁺ jnaäh⁺, he⁻ ja⁻ ba⁺ chaa⁻ jnaäh⁺. ¹¹ Jëeh⁺, jnaäh⁺ hi⁻ jiih⁺, koo⁻ ba⁺ he⁻ hii⁺ goo⁻ juu⁺ jnaäh⁺ kwaat⁻ kih⁺ Jesús. Lä⁺ ja⁻ ba⁺ dsa⁻ lä⁺ jnä⁺ he⁻ cheh⁺ Jesús në⁻ kyaa⁺ jnaäh⁺ hi⁻ sa⁺ bee⁻. ¹² Heh⁺ lä⁺ ja⁻, lä⁺ jë⁺ jmi⁺ ba⁺ he⁻ chaa⁻ juu⁺ jnaäh⁺ mah⁺ hnäh⁺, ma⁻ jnaäh⁻ hnäh⁺ ha⁻ lä⁺ jee⁻ lä⁺ chaa⁻ hnäh⁺ tää⁺.

¹³ Lä⁺ koo⁻ na⁻ sii⁻ juu⁺ kih⁺ Dio: “Ga⁻ lä⁺ dsoo⁺ dsën⁺, kih⁺ he⁻ ja⁻ ba⁺ ga⁻ hlëeh⁻.” Ja⁻ ba⁺ lä⁺ ja⁻ la⁺ huu⁻ dsë⁻ he⁻ kye⁻ jnaäh⁺ la⁻. Ga⁻ lä⁺ dsoo⁺ dsë⁻ jnaäh⁺ he⁻ ja⁻ ba⁺ hlëeh⁺ jnaäh⁺. ¹⁴ Jëeh⁺ ñe⁻ ba⁺ jnaäh⁺, he⁻ ba⁺ Dio hi⁻ ga⁻ mi⁻ jiih⁻ Jesús Dsa⁻ jøøh⁺ jnän⁻, he⁻ ba⁺ hi⁻ he⁻ mi⁻ jiih⁻ jnaäh⁺ ka⁻ läh⁺ kyaah⁺ Jesús hi⁻ lä⁺ ja⁻ ko⁻ jøøh⁺ lä⁺ jëe⁻ jne⁻ tëey⁺ ya⁻ jwii⁺ kiyh⁺. ¹⁵ Lä⁺ jë⁻ he⁻ dsa⁻ ngëe⁺ jnaäh⁺, he⁻ llu⁺ kyah⁺ hnäh⁺ ba⁺ ja⁻. Mah⁺ mi⁻ jää⁺ Dio hnäh⁺ cha⁻ ga⁻ miih⁻, hi⁻ lä⁺ ja⁻ jwëe⁺ ga⁺ kwa⁺ ti⁻ hmaah⁺ kih⁺ Dio hi⁻ jmää⁺ jøøh⁺ ka⁻ läh⁺.

¹⁶ He⁻ ja⁻ sa⁺ jeh⁻ dsë⁻ jnaäh⁺. Ma⁻ ke⁺ ngoo⁺ dsa⁻ gyuh⁺ hi⁻ dsa⁻ hee⁻ jmi⁻ ngo⁺ kyaa⁺ jnaäh⁺, pero ta⁺ neh⁺ jee⁻ hä⁺ jmi⁻ lle⁺ kyaa⁺ jnaäh⁺ dsa⁻ lä⁺ hmëe⁺ koo⁻ jmi⁺ koo⁻ jmi⁺. ¹⁷ Sa⁺ juuh⁻ la⁺ he⁻ wii⁺ he⁻ jëe⁻ jne⁻ jmi⁻ gyuu⁺ la⁻, he⁻ dsa⁻ ngëe⁺ ba⁺ ja⁻. He⁻ ja⁻ jmää⁺ jnän⁻ hi⁻ hnaah⁻ Dio mah⁺ tëe⁻ jne⁻ ya⁻ jwii⁺ he⁻ jnä⁺ na⁻ hñaa⁺ he⁻ sa⁺ hee⁻ jih⁺ koh⁺. ¹⁸ He⁻ ja⁻ sa⁺ jmee⁻ jnaäh⁺ he⁻ kih⁺ he⁻ jnä⁺ hwa⁺ la⁻. Jmee⁻ jnaäh⁺ he⁻ kih⁺ he⁻ sa⁺ jnä⁺ ba⁺. Jëeh⁺, lä⁺ jë⁻ he⁻ jnä⁺, he⁻ dsa⁻ ngëe⁺ ba⁺ ja⁻. Pero he⁻ sa⁺ jnä⁺, lä⁺ ma⁻ la⁺ ja⁻ ba⁺ lä⁺ jë⁻ joh⁺ jmi⁺ cha⁻.

5 ¹ Jmi⁻ ngo⁺ he⁻ kye⁻ jne⁻, la⁺ lä⁺ koo⁻ hne⁺ jnän⁻ ta⁺ ko⁻ jiih⁺ tøøhn⁺ jmi⁻ gyuu⁺ la⁻. Jmi⁻ ngo⁺ la⁺ la⁺ lä⁺ koo⁻ hne⁺ he⁻ na⁻ la⁻ kyaah⁺ loo⁺ jah⁺. He⁻ ja⁻ ñe⁻ jne⁻, wa⁻ ra⁻ ga⁻ hee⁻ jmi⁻ ngo⁺ jnän⁻, lä⁺ cha⁻ jyoh⁺ he⁻ hmëe⁺ gyuu⁺ jmi⁻ gyuu⁺ he⁻ hñah⁺ jne⁻ kih⁺ Dio he⁻ sa⁺ la⁺ lä⁺ koo⁻ hne⁻ he⁻ jmee⁻ dsa⁻. He⁻ ja⁻ sa⁺ hee⁻ jih⁺ koh⁺. ² Peer⁺ ku⁻ jii⁻ jnän⁻ ta⁺ ko⁻ jiih⁺ laa⁺ jne⁻ jmi⁻ ngo⁺, hnøø⁻ jne⁻ wa⁻ ra⁻ jah⁺ kih⁺ na⁺ ga⁻ juh⁻ ba⁺ tëe⁻ jne⁻ jmi⁻ ngo⁺ he⁻ sa⁺ hee⁻ he⁻ cha⁻ gyuu⁺ jmi⁻ gyuu⁺. ³ Lä⁺ ja⁻, lä⁺ cha⁻ ba⁺

jmi-ngo¹ jnän` mah¹ sa¹ jä¹ jmi-llé¹ jnän` ta¹ jmah¹. ⁴ Ta¹ ko¹ jiih¹ cha¹ jne¹ kyaah¹ jmi-ngo¹ la¹, Peer¹ ku¹ jii¹ jnän` hi¹ ki¹ hooh¹ jne¹. Ja¹ ko¹ ja¹ hnøø¹ jne¹ ben¹ jmi-ngo¹ la¹, he¹ hnøø¹ jne¹ tēē¹ jne¹ jmi-ngo¹ hmēē¹ ba¹. Mah¹ jā¹ jmi-ngo¹ hmēē¹ he¹ cha¹ tää¹, lla¹ jmi-ngo¹ he¹ dsa¹ hee¹. ⁵ Dio ba¹ he¹ hi¹ ga¹ jmää¹ jne¹ mah¹ tēē¹ jne¹ he¹ hmēē¹ ja¹. Hi¹ ga¹ kwēēyh¹ jne¹ Jmi-llé¹ Na¹ jngii¹ he¹ jmeeh¹ juu¹ jnän` he¹ hñah¹ jne¹ cha¹ ga¹ miih¹ ta¹ cha¹ nē¹.

⁶ Kih¹ he¹ ja¹, ngoo¹ ba¹ cha¹ o¹ jøh¹ dsē¹ jnän`. Hi¹ ñē¹ jne¹, ta¹ ko¹ jiih¹ tøøh¹ jne¹ kyaah¹ jmi-ngo¹ la¹, lä¹ koø¹ he¹ tøøh¹ jne¹ uu¹ kih¹ Dio ba¹ la¹. ⁷ (Jēēh¹, kyaah¹ he¹ dsoo¹ dsē¹ jne¹ he¹ tøøhn¹ jwē¹ kiyh¹, ja¹ kyaah¹ he¹ jēē¹ jne¹.) ⁸ He¹ ja¹ ma¹ cha¹ ba¹ o¹ jøh¹ dsē¹ jnän`. Hi¹ hnøø¹ ga¹ jne¹ lä¹ øøn¹ kih¹ jmi-ngo¹ la¹ mah¹ dsa¹ toohn¹ ko¹ jøh¹ kyaah¹ Dio. ⁹ He¹ ja¹ wa¹ kwan¹ be¹ jmeen¹ lä¹ tih¹ dsē¹ Dio, cher¹ mah¹ tøøhn¹ kyaah¹ jmi-ngo¹ la¹ o¹ ma¹ ke¹ sa¹ tøøhn¹ kyaah¹ ka¹ läh¹. ¹⁰ Jēēh¹, ga¹ lä¹ jēē¹ ba¹ jne¹ dsa¹ nøøn¹ nē¹ ta¹ kih¹ Cristo mah¹ lä¹ jaa¹ lä¹ jaa¹ jne¹ tēēh¹ jne¹ jñeen¹ ha¹ koø¹ te¹ ta¹ he¹ ma¹ jmee¹ jne¹ ta¹ ko¹ jiih¹ ma¹ cha¹ jne¹, che¹ he¹ llu¹, o¹ che¹ he¹ hliih¹.

Kih¹ he¹ ga¹ juu¹ Cristo ga¹ jiih¹ juu¹ jnän` kyaah¹ Dio

¹¹ Gah¹ ba¹ jnääh¹ Dio, he¹ ja¹ hlēēh¹ jnääh¹ dsa¹ lä¹ jiih¹ lä¹ ngēēy¹. Ñē¹ ba¹ Dio ha¹ lä¹ la¹ huu¹ dsē¹ kya¹ jnääh¹. Lä¹ ja¹ hnoon¹ wa¹ ra¹ jāh¹ kih¹ lä¹ ngēēh¹ hnäh¹ ka¹ läh¹. ¹² Ja¹ he¹ hnøø¹ jnääh¹ hlēēh¹ jnääh¹ llu¹ kya¹ hñaa¹ jnääh¹ cha¹ nē¹ hnäh¹. He¹ kwa¹ jnääh¹ jwē¹ mah¹ lä¹ cha¹ hnäh¹ llu¹ kyaah¹ ta¹ he¹ jmee¹ jnääh¹. Lä¹ jwē¹ ja¹, cha¹ he¹ kyaah¹ jiih¹ hnäh¹ juu¹ kyaah¹ dsa¹ hi¹ koø¹ jēē¹ ha¹ lä¹ tääh¹ haa¹ dsa¹ lla¹ he¹ ma¹ kay¹ kwaan¹ hee¹ na¹ hnøø¹ tuh¹ dsē¹ dsa¹. ¹³ Cher¹ mah¹ ngaah¹ jnääh¹, kih¹ Dio ba¹ ja¹ he¹ jmee¹ jnääh¹ lä¹ ja¹. Hi¹ cher¹ mah¹ lluu¹ jnääh¹, he¹ llu¹ kyah¹ hnäh¹ ba¹ ja¹. ¹⁴ Lä¹ koø¹ hnää¹ Cristo jne¹, lä¹ ja¹ jøø¹ jnän` jmeen¹ lä¹ lle¹ kih¹. Jēēh¹ ma¹ ñē¹ ba¹ jne¹ he¹ ga¹ juu¹ jaa¹ kih¹ lä¹ jēē¹, he¹ ja¹ la¹ kwaan¹ ga¹ lä¹ jēē¹ jne¹ ga¹ juun¹. ¹⁵ Cristo ga¹ juu¹ kih¹ lä¹ jēē¹ mah¹ lä¹ jēē¹ hi¹ cha¹, mo¹ so¹ jmeey¹ lä¹ hnøøy¹ hñiiy¹. Jmeey¹ lä¹ hnøø¹ Cristo ba¹, hi¹ ga¹ juu¹ hi¹ ga¹ lä¹ jiih¹ kih¹ ga¹ lä¹ jēē¹.

¹⁶ He¹ ja¹ jnääh¹, na¹ ta¹ cha¹ nē¹ mo¹ so¹ kye¹ jnääh¹ kwaan¹ kih¹ dsa¹ lä¹ koø¹ tēē¹ jmee¹ dsa¹ jmi¹ gyuu¹. Ma¹ ke¹ jää¹ sa¹ ga¹ jmee¹ jnääh¹ he¹ kih¹ Cristo, pero na¹ mo¹ so¹ jmee¹ jnääh¹ lä¹ ja¹. ¹⁷ Heh¹ lä¹ ja¹, cher¹ mah¹ jaa¹ hi¹ ma¹ laa¹ koø¹ kyaah¹ Cristo, ma¹ laay¹ jaa¹ hi¹ hmēē¹ ba¹. Lä¹ jēē¹ he¹ ma¹ jmeey¹ jää¹, ma¹ ngēē¹ ba¹ ja¹. na¹ ma¹ laay¹ hmēē¹ go¹ te¹. ¹⁸ Lä¹ jēē¹ he¹ la¹, gwa¹ kih¹ Dio hi¹ ga¹ jēēh¹ juu¹ jnän` ta¹ la¹ kih¹ Cristo mah¹ sa¹ cha¹ ga¹ he¹ na¹ bääh¹ jne¹ kyaayh¹. Hi¹ ga¹ tooyh¹ goo¹ jnääh¹ mah¹ hlēēh¹ jnääh¹ dsa¹ ha¹ lä¹ jēeyh¹ juu¹ kiyh¹ kyaah¹ Dio. ¹⁹ Ta¹ la¹ kih¹ Cristo, mo¹ so¹ jmee¹ Dio kwaan¹ kih¹ dso¹ kye¹ jnän` heh¹ lä¹ ja¹ jēeyh¹ juu¹ jnän` kyaayh¹. Hi¹ ga¹ tooyh¹ goo¹ jnääh¹ kwa¹ jnääh¹ juu¹ ha¹ lä¹ jēē¹ jēēh¹ dsa¹ juu¹ kih¹ kyaah¹ Dio. ²⁰ He¹ ja¹ na¹ hñaa¹ jnääh¹ he¹ kwa¹ jnääh¹ juu¹ lä¹ hih¹ kih¹ Cristo. La¹ lä¹ koø¹ he¹ chu¹ Dio kyaah¹ hnäh¹ ta¹ la¹ kya¹ jnääh¹. He¹ ja¹ chuun¹ kyaah¹ hnäh¹ ta¹ la¹ kih¹ Cristo, jēēh¹ hnäh¹ juu¹ kyah¹ hnäh¹

kyaah' Dio. ²¹ Cristo hi sa cha dso'kye kih', Dio ga+jmee' cha dso'kye kiyh' he llu' jnan', mah' ta'la' kiyh', lee' jne' lluu' cha'ne' Dio.

6 ¹ He ja jnaah' hi kwa be' kyaah' ta kih' Dio, hlee'hn' hnah', ta jmee' hnah' ta koo' he llu' dsé' Dio kyaah' hnah'. ² Jeeh', la'koo' na'sii' juu' kih' Dio:

Hor he jøh dsen', ga'nuun' kyah'.

Jmii' he ma' laa' dsa', ga+jmeen' be' kyah', ga+jah' Dio.

He ja jwe'eh'n hnah', na' ba' ja hor he jøh dsé' Dio. Na' ba' ma'cha jmi', laah' hnah'.

³ Ga'nøø' jnaah' la'koo' lle' kih' ba' mah' ni' jaa' sa' cha' he' kih' mi'kwayh' kih' ta' he' jmee' jnaah'. ⁴ Wa' he' cha' he' he' dsa'ngée' jnaah', hnøø' jnaah' mi'jnaa' jnaah' kih' dsa', laa' jnaah' hi' jmee' ta' he' kih' Dio. Kwëeh' ba' dsé' jnaah', hi' ja' koo' nee' he' wii' he' dsa'ngée' jnaah', lla'kyaa' jnaah', gwa' he' jmee' jwiih' kyaa' jnaah'. ⁵ Jmi'baa' dsa' jnaah', taah' dsa' jnaah' neh'ne', tooyh' miih' kyaah' jnaah'. Peer' hwéh' ta' kyaa' jnaah', cha' ma' sa' gwii' jnaah', ni' sa' cha' he' kih' hih' jnaah'. ⁶ Ga'nøø' jnaah' koo' nee' ba', cha' ba' hu' dsé' kyaa' jnaah', jøh dsé' jnaah', llu' dsé' jnaah', ga'nøø' jnaah' kyaah' Jmi' lle' Na' jngii', hi' kyaah' ju' dsoo' hnää' jnaah' dsa'. ⁷ Hlee'eh' jnaah' ju' dsoo' jmah' ba'. Kyaah' be' kih' Dio ga'nøø' jnaah'. Jmee' jnaah' he' llu' jmah', la' jwe' ja' hää' jnaah' hnaa' jnaah' hi' leh' jnaah' kih' he' hliih'. ⁸ Cha' ma' hnää' dsa' jnaah', cha' ma' na' hääyh' jnaah'. Cha' ma' mi'kwayh' jnaah', cha' ma' hlee'yh' llu' kyaa' jnaah'. Laa' jnaah' kiyh' la'koo' dsa' hi' ta' juu', ma'ke' hlee'eh' jnaah' ju' dsoo'. ⁹ Jmeey' sa' kyuyy' jnaah', ma'ke' kyuyy' ba'. Hi' ma'ngoo' ga' juu' ba' jnaah' kiyh', pero cha' ba' jnaah'. Kwa' dsa' kyaa' jnaah' pero sa' jngée'yh' jnaah'. ¹⁰ Ma'ke' ti'meeh' dsé' jnaah', ma'ra' he' jee' ba' dsé' jnaah'. Laa' jnaah' ta'nee', pero cha' miih' he' llu' ma'hyoh' jwee' dsa' kwaat' kyaa' jnaah'. La'koo' he' sa' cha' ni' miih' kyaa' jnaah' ba' la', pero ga' la'je' ba' cha' kyaa' jnaah'.

¹¹ Sa' gah' jnaah' ma' hlee'eh' jnaah' hnah' dsa' Corinto juu' la'. La'kaa' tuh' dsé' jnaah' ga' mi'jnaa' jnaah' hnaa' jnaah' kyah' hnah'. ¹² Ja' kyaah' hih' ga' la' hnää' jnaah' hnah'. Pero hnah', sa' ga' mi'jnaah' hnah' hnaah' hnah' kyaa' jnaah'. ¹³ La'koo' jmee' jnaah', ja' ba' la' ja' jmee' hnah'. (Hlee'eh'n' hnah' la'koo' gyuu' kyaan'.) Wa' hnaah' jnaah' la'kaa' tuh' hoh' hnah'.

Laa' jne' la'koo' gwah' kih' Dio

¹⁴ Ta' jmee' hnah' ko' jøh' kyaah' hi' sa' ma' heeh' kih' Dio. Jeeh', sa' jeeh' kwee' he' hliih' kyaah' he' llu'. ¿Ha' la' ja' jmee' ko' jøh' jee' na' hoo' kyaah' jee' jna' wa' je'? ¹⁵ Hi' sa' sooh' kih' hi' sa' llu' he' jmeey' ko' jøh' kyaah' Cristo. La' ja' ka' lah' kih' hi' ma' heeh' kih' Dio kyaah' hi' sa' ma' heeh'. ¹⁶ Dio hi' na' laa' kaah' dsa', ni' miih' sa' sooh' jmeey'

ko_jøh' kyaah' gwah' kih' Dio. Jëeh', jne' ba' laan' gwah' kih' Dio jiih'.
 Juu' he' jwahn' la', la' lä'koo' ga'jah' hñii' Dio:

Jän' jee' kiyh' mah' ngën' ko_jøh' kyaayh'.

Jnä' leen' Dio kyaay' mah' lä'jëy' leey' dsa' kyaan'.

¹⁷ He'ja' ga'jah' Dsa_jøøh' jnän':

Hwëë' hnäh' jee' kih' hi' sa' ma'heeh' kin',
 wa' lä'øø' hnäh' kiyh', ga'jah' Dsa_jøøh' jnän'.

Ta' kooh' hnäh' he' sa' lle' kih' kooh' hnäh',
 lä'ja' ba' heehn' hnäh'.

¹⁸ Mah' jnä' leen' Täa' kyaah' hnäh'.

Hih' hnäh', leeh' hnäh' gyuu' më' gyuu' ñuuh' kyaan',
 jah' Dio hi' cha' ga'lä'jë' be' kih'.

7 ¹ Na' ma'nuun' ha' koh' na'hñaa' sa' la' he' ga'jah' Dio jmee'
 jnän'. He'ja' jwëehn' hnäh' øøhn' hi' hnaan', hnøø' ben' lä'jë' he'
 mi'sah' jne' hi' lä'ja' kih' he' mi'soh' jmi'lle' jnän'. Hi' kih' he' gah' jne'
 Dio, hnøø' mi'lluu' jne' hñaan' koo' hä' koo' hä' lä'jiih' jän' na'jngëen'
 go'te'.

Ma' hnøø' Paa' ma' jmee' dsa' Corinto he' kiyh'

² Jmee' hnäh' miih' he' kyaah' jnääh'. Jëeh', kih' ni' jaa' hnäh' sa'
 ma'jmee' jnääh' he' hliih'. Sa' ma'heeh' jnääh' huudsë' kih' ni' jaa', ni'
 sa' ma'mi' gaa' jnääh' ni' jaa'. ³ Sa' jwahn' lä'ja' mah' bääh'n' hnäh'
 dsoo'. Ga'jwëehn' hnäh' jää', hnaan' hnäh'. Jëeh' ma'lla' dsë' jnääh',
 jmee' jnääh' ko_jøh' kyaah' hnäh' ma'ke' cha' juu' jnääh'. ⁴ Cha'
 cha'miih' o_jøh' dsë' kin' kyaah' hnäh'. Chaan' llu' kwaat' kyah' hnäh'.
 He'ja' gwa' dsa'nøh' dsën' cha'miih' hi' jëë' dsën' ma' jëen' cha'miih'
 he' wi'.

⁵ Lä' ma' ga'tëë' jnääh' Macedonia, sa' ga'teeh' jnääh' dsë' jnääh' ni'
 miih'. Ga'lä'jë' nëe' he' wi' ga'jëë' jnääh'. Ga'tee' dsa' kyaah' jnääh'.
 Hi' ja' ma'la' he' ja', ga'lä'gah' jnääh' cha'miih'. ⁶ Pero Dio hi' jmee'
 dsa'nøh' dsë' lä'jëë' hi' cha' huudsë', ga'jmeey' ga'nøh' dsë' jnääh' lä'
 ma' ja' Tito. ⁷ Ja' ma'la' kih' he' ja' Tito, kih' he' ga'jmeeh' hnäh'
 ga'nøh' dsëy' ka'läh', he' ja' ba' ja' ga'nøh' dsë' jnääh'. Ga'jmeeyh' juu'
 he' hnooh' hnäh' jëeh' jnä', hi' ti'meeh' hoh' hnäh', lle' hoh' jnä'.
 He'ja' cha'ga'miih' jëë' dsën'.

⁸ Ma'ke' ga'jmeen' meeh' hoh' hnäh' kyaah' je' he' ga'siin' kyah'
 hnäh', pero sa' koon' dsën'. Dsoo' ba' ga'jii' miih' kin' kih' he'
 ga'lä'meeh' hoh' hnäh' ko'hwëë'. ⁹ Pero na' jëë' dsën'. Ja' kih' he'
 ga'lä'meeh' hoh' hnäh'. Kih' he' ga'lä'sii' huudsë' kyah' hnäh', ma'
 ga'jii' kyah' hnäh', he'ja' ba' jmee' jëë' dsën'. Lä' ma' ga'lä'meeh' hoh'
 hnäh', ga'jmeeh' hnäh' lä' hnøø' Dio. Lä'ja', ni' koo' he' hliih' sa' ja' në'
 kyah' hnäh' kwaat' kyaah' jnääh'. ¹⁰ Jëeh', cher'mah' gwa' ti'meeh' dsë'
 jne' lä' hnøø' Dio, he' ja' jmee' dsa'lä'sii' huudsë' jnän' mah' lää' jne'.

Heh¹ he⁻ ma⁻na⁻laa¹ jne¹ sa⁺ jmee⁺ ti⁻meeh⁻ dsē⁻ jne¹. Pero he⁻ ti⁻meeh⁻ dsē⁻ jne¹ lä⁻koo⁻ tēē¹ jmee⁺ dsa⁻ jmi⁻gyuu⁺, kyaah¹ he⁻ ja⁻ juu¹ ba¹ jne¹ ja⁻.
¹¹ Jēē¹ da¹ hnäh¹ ha⁻ lä⁻ ga⁻la¹ kyah¹ hnäh¹ lä⁻ ma¹ ga⁻lä⁻meeh⁺ hoh¹ hnäh¹ lä⁻ hnø¹ Dio. Ga⁻jmää¹ ba¹ ta¹ he⁻ ja⁻ kyah¹ hnäh¹, ja¹ hoh¹ hnäh¹ ga⁻nooh⁻ hnäh¹ nē¹ kin⁺, ja¹ ya⁻jēē¹ hoh¹ hnäh¹, ja¹ gah¹ hnäh¹, hnooh⁻ hnäh¹ ma¹ jēēh¹ jnä¹, ga⁻mi⁻eeh¹ hnäh¹ juu¹ lä⁻koo⁻ mada¹ ga⁻jmeen¹ kyah¹ hnäh¹. Lä⁻ja⁻ ga⁻mi⁻jnääh¹ hnäh¹ hñaah¹ he⁻ ma⁻mi⁻teh⁻ ba¹ hnäh¹ kih¹ juu¹ ja⁻.
¹² He⁻ja⁻ lä⁻ ma¹ ga⁻siin¹ kyah¹ hnäh¹ je⁻ ja⁻, ja⁺ ma⁻la⁻ kih¹ hi⁻ hñaah⁻ dsē¹ he¹ ga⁻jmeen¹ huu¹dsē⁻, ni⁻ ja⁺ kih¹ hi⁻ ga⁻jmeeyh⁺. He⁻ hnoon¹ lä⁻jnä¹ kyah¹ hnäh¹ cha⁻nē¹ Dio he⁻ kyeh¹ hnäh¹ huu¹dsē⁻ kyaa¹ jnääh¹ ba¹ ja⁻.
¹³ Peer⁺ ga⁻nøh¹ dsē⁻ jnääh¹ he⁻ ga⁻lä⁻jnä¹ he⁻ kyeh¹ hnäh¹ huu¹dsē⁻ kyaa¹ jnääh¹.

Hi⁺ cha⁻ga⁻miih⁻ jēē⁻ dsē⁻ jnääh¹, kih¹ he⁻ ma⁻jēē¹ jnääh¹ chaa⁻ Tito llu¹. Jēēh¹, ga⁻lä⁻jēē⁻ ba¹ hnäh¹ ga⁻heeh⁻ hnäh¹ llu¹ hi⁺ ga⁻jmeeh¹ hnäh¹ jēē⁻ dsēy¹.
¹⁴ Ga⁻jmeehn¹ juu¹ kih¹ Tito he⁻ chaan⁻ llu¹ kyaah¹ hnäh¹. Hi⁺ sa⁺ ga⁻jän¹ hliih¹. Jēēh¹ lä⁻jē⁻ he⁻ ga⁻jwēēhn¹ hnäh¹ la¹ ju¹dsoo¹. Lä⁻ja⁻ ka⁻läh¹ ma¹ ga⁻jēē¹ Tito ha⁻ lä⁻ tääh¹ hnäh¹, sa⁺ na⁻hee⁻ juu¹ lä⁻koo⁻ ga⁻jwii¹ jnih¹ he⁻ chaa⁻ jnääh¹ llu¹ kyaah¹ hnäh¹.
¹⁵ Hi⁺ cha⁻ga⁻miih⁻ hnää¹ Tito hnäh¹ lä⁻koo⁻ ma¹ dsooh⁻ dsēy¹ he⁻ nuuh⁻ ba¹ hnäh¹ kiyh¹. Hi⁺ ga⁻heeh⁻ ba¹ hnäh¹ llu¹ lä⁻koo⁻ jaa⁻ dsa⁻ ma⁻jøøh¹.
¹⁶ Peer⁺ jēē⁻ dsēn⁻ kyaah¹ hnäh¹. Ga⁻lä⁻jē⁻ ba¹ mi⁻teh⁻ hnäh¹.

Ga⁻chooh¹ dsa⁻ kuu¹ kih¹ øøh¹ jne¹ hi⁻ chaa⁻ Jerusalén

8 ¹ Jee¹ la⁻ jmeeh¹ jnääh¹ juu¹ kyah¹ hnäh¹ ha⁻ lä⁻ ga⁻jmee¹ øøh¹ jne¹ hi⁻ tääh¹ lä⁻kaa⁻ gwah⁺ he⁻ tøø¹ hwa¹ Macedonia kih¹ he⁻ llu¹ dsē¹ Dio kyaayh¹.
² Ma⁻ke⁺ tääyh¹ jēēy⁻ wii¹, pero chaay⁻ llu¹. Ma⁻ke⁺ tääyh¹ tä⁻nee¹ pero cha⁻miih⁻ kuu¹ ga⁻kway¹. Ga⁻jmäy¹ hñiiy¹ lä⁻koo⁻ dsa⁻ cha⁻kuu¹.
³ Jmeen⁺ dsoo¹ kiyh¹, ga⁻kway¹ kuu¹ lä⁻koo⁻ lla⁺ dsēy¹, lä⁻koh¹ jiih¹ tääy⁺. Hi⁺ ga⁻kway¹ la¹ ga¹.
⁴ Cha⁻miih⁻ ga⁻chuu¹ dsa⁻ he¹ kyaah¹ jnääh¹ mah¹ kwa¹ jnääh¹ jwē¹ jmeey¹ lä⁻koo⁻ jmee⁺ lä⁻jēē⁻ hi⁻ chooh⁻ kuu¹ mah¹ jmeey¹ be¹ kih¹ hi⁻ laa¹ kyaa¹ Dio.
⁵ Cha⁻ga⁻miih⁻ ga⁻jmeey¹ lä⁻koh¹ ga¹ he⁻ ma¹ la¹ huu¹dsē⁻ kyaa¹ jnääh¹. To⁻nē¹ ga⁻ngēēy¹ hñiiy¹ mah¹ jmeey¹ lä⁻ hnø¹ Dio. Hi⁺ lä⁻ja⁻ ga⁻jmeey¹ kyaa¹ jnääh¹ ka⁻läh¹.
⁶ He⁻ja⁻ ga⁻chuu¹ jnääh¹ kyaah¹ Tito mah¹ mi⁻hñaay⁺ ta¹ kiyh¹ he⁻ juh¹lääyh¹ kuu¹ lä⁻koo⁻ ga⁻løøy¹ jmeey¹ jää¹ jee¹ kyah¹ hnäh¹ hi⁻ kwa⁺ kuu¹ lä⁻kaa⁻ tuh⁻dsē¹.
⁷ Ma⁻hwēēh⁻ hnäh¹ llu¹ kyaah¹ lä⁻jē⁻ he⁻ jmeeh⁻ hnäh¹. Ma⁻lä⁻dsoo¹ hoh¹ hnäh¹, ma⁻hlēēh⁻ hnäh¹ dsa⁻, ma⁻kyuu^h hnäh¹ llu¹, ma⁻jmeeh⁻ hnäh¹ ta¹ lä⁻kaa⁻ tuh⁻hoh¹ hnäh¹, hi⁺ ma⁻lä⁻hñaah⁺ jnääh¹. Lä⁻ja⁻ ka⁻läh¹, hnø¹ hwēē⁻ hnäh¹ kwee⁻ kyaah¹ ta¹ llu¹ jee¹ juh¹lääh¹ hnäh¹ kuu¹.

⁸ Ja⁺ he⁻ jmeen⁺ mada¹ kyah¹ hnäh¹ he⁻ jwēēhn⁻ hnäh¹ lä⁻na⁻. He⁻ hnoon¹ jēēn¹ che¹ ma⁻ra⁺ ju¹dsoo¹ hñaah⁺ hnäh¹ øøh¹ jne¹. He⁻ja⁻ ba¹ na⁻ ma⁻jwēēhn¹ hnäh¹ lä⁻koo⁻ ga⁻jmee¹ hi⁻ tääh¹ Macedonia.
⁹ Jēēh¹, ma⁻ñeh¹ ba¹ hnäh¹ lä⁻koo⁻ llu¹ dsē¹ Jesucristo Dsa⁻jøøh¹ jnän⁻. Ma⁻ke⁺ hä¹ gooy⁻

läjḗ hē chā, gāj̄mǟȳ¹ h̄ñiiȳ h̄ī tā̄ñeē, kih¹ hē hnǟȳ¹ j̄nē. Lǟj̄wē̄ jā lǟchā j̄nän̄ chāmiih̄, kih¹ hē gāj̄mǟȳ¹ h̄ñiiȳ tā̄ñeē.

¹⁰ Hē llu¹ kyah¹ hnäh̄ hē kwan̄ nuuh̄ lā. Hnäh̄ tōnē̄ gālǟhyoh̄ hoh̄ hnäh̄ chooh̄ hnäh̄ kuu¹ māhyā koō j̄īñē̄. Hī jā mālā hējā, gāl̄ooh̄ hnäh̄ chooh̄ hnäh̄ kuu¹, j̄ǟ gā lǟkoh̄ j̄ñah̄ ø̄h¹ j̄nē.

¹¹ Hējā na¹ mīh̄ñaa¹ hnäh̄ tā hē māl̄ooh̄ hnäh̄. Jābā lǟkoō gālǟhyoh̄ hoh̄ hnäh̄ j̄meeh¹ hnäh̄, lǟjā kāläh̄, lǟkaā tuh̄hoh̄ hnäh̄ mīh̄ñaa¹ hnäh̄ tā nā. Jā chooh̄ hnäh̄ kuu¹ lǟkoō tē tā̄äh̄ bā hnäh̄. ¹² Cher̄mah¹ chā h̄ī llā dsē̄ kwa¹, heeh̄ bā Dio hā koō tē chā. Jē̄h̄ sā ngiī Dio hē sā chā j̄nän̄.

¹³ Sā j̄wahn̄ lǟlā mah¹ j̄ñah̄ bā lǟchā kih¹, tākōj̄iih¹ sā chā kyah¹ hnäh̄. ¹⁴ Hnø̄¹ j̄meeh¹ hnäh̄ lǟkoō llē kih¹. J̄miī na¹ hē chā chāmiih̄ kyah¹ hnäh̄, hē jā leē kih¹ h̄ī llākyaa¹. Lǟjā kāläh̄ mā chā chāmiih̄ kih¹ j̄ñah̄, leē kyah¹ hnäh̄ mā j̄meē biī. Lǟjā bā j̄ǟ llu¹ kih¹ lǟjē̄. ¹⁵ Lǟkoō nā sī juu¹ kih¹ Dio: “Sā gāchā¹ gā kih¹ h̄ī gāj̄uuh̄¹ chāmiih̄. Nī sā gālǟhnø̄¹ gā kih¹ h̄ī gāj̄uuh̄¹ kōh̄īpih̄.”

Tito kyaah̄ dsākyaah̄

¹⁶ Peer̄ tīhmaah̄ Dio h̄ī gāj̄meē gākā¹ Tito hūdsē̄ kyah¹ hnäh̄, jābā lǟkoō kyē̄ j̄nǟ hūdsē̄. ¹⁷ Gāheeh̄ bih¹ lǟkoō gāhlē̄h̄ j̄nih̄. Jē̄h̄, h̄ñiī bih¹ mā llē dsē̄¹ kway¹ bē kyah¹ hnäh̄. Hējā jeē tē̄ȳ h̄ñiī bih¹ dsooy¹ dsājē̄ȳ¹ hnäh̄.

¹⁸ Kōj̄ø̄h̄¹ kyaah̄¹ Tito, cheē¹ j̄nǟh̄¹ j̄ǟ ø̄h̄¹ j̄nē h̄ī h̄iī juu¹ kih¹ lǟkaā gwah̄ jeē j̄meeȳ tā kwaat̄ kih¹ jūhmē̄. ¹⁹ Jā mālā hē jā, ø̄h̄¹ j̄nē gāh̄ñaā¹ mah¹ j̄meeȳ kōj̄ø̄h̄¹ kyaah̄¹ j̄nǟh̄¹ jeē dsākā¹ j̄nǟh̄¹ kuu¹ hē jūh̄l̄ǟh̄¹ ø̄h̄¹ j̄nē. Kyaah̄ hē jā, j̄meē¹ j̄nǟh̄¹ jūh̄ kih¹ Dio hī lǟj̄wē̄ jā lǟj̄nǟ hē hnø̄¹ j̄nǟh̄¹ kwā¹ j̄nǟh̄¹ bē kih¹ ø̄h̄n¹.

²⁰ Lǟjā j̄meē¹ j̄nǟh̄¹, mah¹ sā chā h̄ī hlē̄h̄¹ wī¹ kyaā¹ j̄nǟh̄¹ hē jūh̄l̄ǟh̄¹ j̄nǟh̄¹ chāmiih̄ kuu¹. ²¹ Jē̄h̄ ñē̄ bā Dio hē j̄meē¹ j̄nǟh̄¹ biī¹ j̄meē¹ j̄nǟh̄¹ tā lǟkoō llē kih¹, hī lǟjā h̄noon¹ kā¹ dsā j̄mīgyū¹ kwaat̄ kāläh̄.

²² Hī cheē¹ gā j̄nǟh̄¹ j̄ñah̄¹ ø̄h̄¹ j̄nē kōj̄ø̄h̄¹ kyaaȳh̄. H̄ī hē, jā koō hǟ mājē̄¹ j̄nǟh̄¹ j̄meeȳ hē llu¹ j̄mah¹. Hī chā gāmiih̄ j̄meeȳ¹, na¹ hē mājē̄ȳ hē mītē hnäh̄. ²³ Tā kā hnäh̄ hūdsē̄. Tito lā¹ dsākyaah̄¹ j̄nǟh̄¹ jeē j̄meē¹ j̄nǟh̄¹ tā kōj̄ø̄h̄¹ mah¹ lē¹ llu¹ kyah¹ hnäh̄. H̄ī j̄ñah̄¹ ø̄h̄¹ j̄nē h̄ī j̄ǟȳ¹ nā, hǟ gooȳ¹ lǟkaā gwah̄. Hī kwaat̄ kih¹ h̄ī hē, lǟkaā jeē dsānǟȳ¹ j̄meē¹ ø̄h̄¹ j̄nē jūh̄ kih¹ Cristo. ²⁴ Jā mī j̄nǟ¹ hnäh̄¹ kiyh¹ hā lǟkoō j̄iih¹ h̄naah̄¹ hnäh̄¹ dsā. Lǟjā mī j̄nǟ¹ hnäh̄¹ chāñē̄¹ lǟjē̄¹ ø̄h̄¹ j̄nē hē kih¹ jā hē chā¹ j̄nǟh̄¹ llu¹ kyaah̄¹ hnäh̄.

Hnø̄¹ kwā¹ j̄nē kuu¹ lǟkaā tuh̄dsē̄ j̄nē

9 ¹ Kih¹ hē chooh̄¹ j̄nē miih̄ kuu¹ kih¹ ø̄h̄¹ j̄nē h̄ī llākyaa¹, sā j̄meē¹ biī¹ sīn̄ kyah¹ hnäh̄ lāan̄. ² Jē̄h̄, mā bā j̄nǟ¹ kyah¹ hnäh̄

hī tāäh' hwa' Acaya, lle' hoh' hnäh' hē juh'lääh' hnäh' kuu'. Hī ga'hlëehn' llu' kyah' hnäh' jee' kih' øøh' jne' hī tāäh' hwa' Macedonia. Na' ma'koō ñe' ga'jwii' jnih' hē ma'lla' hoh' hnäh' kwah' hnäh' kuu'. Hējā jwëë' øøh' jne' he', ga'nøh' dsëy' kih' hē llu' hoh' hnäh'. ³ Pero ma'ra' hē cheen' øøh' jne', mah' sa' jän' hliih' kih' lä'jê' hē llu' hē ga'hlëehn' kyah' hnäh'. Hnoon' wa'ra' jäh' kih' ma'na'lluuh' hnäh' jmeeh' hnäh' lä'koō ga'jwii' jnih'. ⁴ Heh' lä'jā, wa'ra' ga'lloon' jee' tääh' hnäh', kōjøh' kyaah' jñah' øøh' jne' hī chā hwa' Macedonia, hnoon' ma'na'lluuh' hnäh' mah' sa' jä' jnääh' o'hih' wa'ra' ga'lla'nøø' jnääh', lä'llu' hē ma'jäh' jnääh' mi'teh' ba' hnäh', hī cha'ga'miih' jäh' hnäh' o'hih', cher'mah' sa' ga'mi'teh' hnäh'. ⁵ Kih' hējā ba' ga'la' bii' kin' chuun' kyaah' øøh' jne' he', mah' dsa'näay' dsa'jëëy' hnäh' to'ne', mah' kway' be' kyah' hnäh' ha' lä'jee' juh'lääh' hnäh' kuu' hē ga'bääh' hnäh' hñaah' kwah' hnäh'. Lä'jwë' jā ma'na'lluuh' hnäh' kwah' hnäh' kuu' lä'kaa' tuh'hoh' hnäh', ja' kyaah' hē wi'.

⁶ Nū da' hnäh' ha' lä' la' kih' hī jngëë' mi'ju: Hī jngëë' miih', miih' ba' chooyh'. Hī jngëë' cha'miih', lä'jā cha'miih' chooyh'. ⁷ Lä'jaā lä'jaā wa' kway' lä'koō te' lla' dsëy'. Pero ja' kyaah' hē meeh' dsëy', ni' ja' kyaah' hē wi'. Jëeh', Dio hnää' hī kwa' lä'kaa' tuh'dsë'. ⁸ Dio hī cha' be' kih', jmeey' lä'cha' cha'miih' hē llu' kyah' hnäh'. Lä'jā ni' miih' sa' cha' hē jmee' bii' kyah' hnäh' jih'koh'. Lä'jiih' chā ga' kyah' hnäh', jmeeh' hnäh' ja' hē koō nëë' hē llu' kih' hī lla'kyaa'. ⁹ Lä'la' na'sii' juu' kih' Dio:

Hī llu' dsë' ga'ti' ga'llooyh' hē cha' kiyh', ga'kwëëyh' dsa' hī tä'nee'.

Ta' llu' kiyh' lä'jnä' ga'lä'jê' joh' jmi' cha'.

¹⁰ Dio ba' he' hī kwa' mi'ju' kih' hī jngëë', lä'jā ka'läh' kway' hē kih' hih' jne'. Hī he' kwa' lä'jê' hē jmee' bii' kyah' hnäh' hī jmeey' lä'cha' cha'ga'miih'. Mah' lä'jā lä'cha' hē kyaah' jmeeh' hnäh' cha'miih' hē llu' jmah' ba'. ¹¹ Lä'llu' hē lä'cha' lä'jê' nëë' hē jmee' bii' kyah' hnäh', lä'jā lä'cha' cha'miih' hē kwëeh' hnäh' hī lla'kyaa'. Hī wa'ra' ga'ngëë' jnääh' kuu' ja' kih' øøh' jne' he', kway' cha'miih' ti'hmaah' kih' Dio. ¹² Jëeh', wa'ra' ga'ngëë' jnääh' kuu' hē juh'lääh' hnäh' kih' øøh' jne' he', hē ja' kwa' be' kiyh'. Hī ja' ma'la' hē ja', kway' cha'miih' ti'hmaah' kih' Dio ka'läh'. ¹³ Wa'ra' ga'ngëë' jnääh' kuu' ja', jmee' dsa' he' juh' kih' Dio, jëeh' ma'mi' jnääh' hnäh' hē mi'te' hnäh' kyaah' ju'hmëë' kih' Cristo. Hī lä'kaa' tuh'hoh' hnäh' ga'kwëeh' hnih' kuu', hī lä'jā jmeeh' hnäh' kih' lä'jêë' hī jmee' bii' kih'. ¹⁴ Hī wa'ra' ga'ngiyy' kyah' hnäh' kih' Dio, ja' lla'le' dsëy' hnäh' jëeh' ma'lä'jnä' hē ma'mi'jää' Dio hnäh' cha'miih'. ¹⁵ Ti'hmaah' kwan' kih' Dio, ha' koh' sa' llu' hē ga'kwëëyh' jne'. Hī lä'këh' jmi' lä'ngëë'.

Ga'jmee' Paa' dsoo' he' laay' apóstol

10 ¹ Jnä' Paa' chuun' kyaah' hnäh', hlëehn' hnäh' ja'ba' lä'koo' jmee' hñii' Cristo hi' hwaä' hi' jøh' dsë'. Jëeh', jäh' dsa' kin', sa' tuu' dsën' hlëehn' lä' ma' hää'n' jee' kih' dsa'. Mah' wa'ra' ga'lä'øñ' jee' kiyh', ja'ga' tuu' dsën' hlëehn'. ² He'ja' chuun' kyaah' hnäh', go'taah' hnäh' lä'koo' lle' kih', mah' wa'ra' ga'lloon' jee' tääh' hnäh', sa' cha' he' kih' hlëehn' hi' jäh', ga'nøø' jnääh' lä'koo' wa' hi' cha' hi'. Jëeh', tuu' ba' dsën' ti'choon' juu' kyaayh' cher'mah' lä'ja' hnøøy'. ³ Dsa' jmi'gyuu' ba' laa' jnääh', pero sa' tee' jnääh' lä'koo' tee' dsa' jmi'gyuu'. ⁴ Sa' tee' jnääh' kyaah' wa' he' cha' he' he' kooh' dsa' jmi'gyuu'. Tee' jnääh' kyaah' be' kih' Dio he' lih' hee' lä'jē' he' sa' lä'keh' jnääh' jmi' kyaah'. ⁵ Lä'ja' leh' jnääh' kyaah' hi' jmee' kyuuh' cha'miuh'. Hi' leh' jnääh' kyaah' hi' jmää' hñii' kaah'. Jëeh' juu' he' hlëeyh' ja', jne' jwē' kih' dsa' mah' sa' heeyh' kih' Dio. He'ja' hnøøh' jnääh' ha' lä' jee' dsa'jeeh' dsa' hi' jmee' huudsē' hliih' mah' lä'nuyh' kih' Cristo. ⁶ Ma'lla' dsē' jnääh' heeh' jnääh' wi' lä'jēē' hi' chaah', ma'la' ma'mi' jnääh' hnäh' hñaa' hnäh' he' nuuh' hnäh' kih' Cristo.

⁷ Koo' kah' hnäh' kwaat' ha' lä' tääh'haa' dsa'. Cher'mah' jaa' jmee' huudsē' laay' kyaä' Cristo, wa' jmeey' huudsē' laa' jnääh' ka'läh' kyaä' Cristo, ja'ba' lä'koo' laay' hñiiy'. ⁸ Ga'hñaa' Dio jnä' mah' kwan' be' kyah' hnäh' ha' lä' jee' go'taah' hnäh' koo' hweh'. Sa' ga'hñaa' jnä' mah' heen' hnäh'. Hi' ma'ke' jmeen' juuh' kih' ta' he' hä' goon' sa' la' o'hih' kin' he' jmeen' lä'ja'. ⁹ Sa' hnoon' he' jmeeh' hnäh' huudsē' he' juuhn' kyah' hnäh' kyaah' juu' he' siin' kō'lla'jiuh'. ¹⁰ Jëeh', lä'la' hlëeh' kō'llaa' kin'. Hweh' juu' he' siin' kih' dsa'. Pero ma' chehn' cha'nē' dsa', hwaä' ba' jnä', jäh'. Sa' tooyh' ta' juu' kin'. ¹¹ Hi' hlëeh' lä'ja' kyaä' jnääh', hnøø' lä'ngëy' lä'koo' la' huudsē' kyaä' jnääh'. Jëeh', ja'ba' lä'koo' hlëeh' jnääh' kyaah' juu' he' sii' jnääh' ma' tøøh' jnääh' uu', ja'ba' lä'ja' hlëeh' jnääh' ka'läh' ga' ma'tøøh' jnääh' kyaayh'.

¹² Sa' tuu' dsē' jnääh' jmee' jnääh' lä'koo' jmee' hi' hlëeh' llu' kih' hñii'. Sa' hnøø' jnääh' jeeh' kyaä' jnääh' kyaah' dsa' he' hi' llaay' hñiiy' hih' lä'koo' la' huudsē' kih' hñii' bih'. Hi' hnøøy' jeeh' kwee' kiyh' kyaah' dsa'kyaayh'. He' ba' che' taay'. ¹³ Pero lä'koo' hä' hih' ba' hlëeh' jnääh' kyaä' hñaa' jnääh', lä'koo' la' huudsē' kih' Dio hi' ga'hñaa' jnääh'. He'ja' ga'lla'nøø' jnääh' lä' ga'tē' jee' tääh' hnäh'. ¹⁴ Jiih' jee' ga'tøø' Dio hih' ba' ga'nøø' jnääh'. Sa' ga'nøø' jnääh' jee' tääh' hnäh' wa'ra' jäh' kih' sa' ga'chee' Dio jnääh'. Jëeh' jnääh' to'nē' na'kwa' jnääh' ju'hmeē' kih' Cristo jee' tääh' hnäh'. ¹⁵ Sa' jmää' jnääh' hñaa' jnääh' kaah' kyaah' ta' kih' jñah'. Hnøø' jnääh' wa' lä'dsoo' hoh' hnäh' cha'ga'miuh' kih' Dio ba'. Lä'jwē' ja' kwaä' ga' ta' kyaä' jnääh' jee' kyah' hnäh' jee' ga'tooh' Dio goo' jnääh'. ¹⁶ Ja' ga' na' dsa'kwa' jnääh'

ju'hmëë' ta' jee' hu' ga'. Pero sa' dsa'tooh' jnääh' jee' ma'løø' jñah', mah' sa' jmää' jnääh' hñaa' jnääh' kaah' kih' ta' he' ma'jmeë' jñah'.

¹⁷ Hi' hnøø' jmää' hñii' jøøh', wa' jmäy' hñii' jøøh' kih' he' laay' kyaa' Dsa'jøøh' jnän'. ¹⁸ Jëeh', hi' hlëeh' llu' kih' hñii', ja' kyaa' he' ja' ya'hëy' llu'. Hi' hlëeh' Dio llu' kih', hi' he' ba' ya'hëe' llu'.

Paa' kyaah' hi' jmää' hñii' kaah'

11 ¹ Hnoon' kwëeh' hoh' hnäh' kyaah' jnä' cher'mah' ga'hlëehn' lä'koo' jaa' hi' sa' cha' hu' dsë' kih'. Kwëeh' hoh' hnäh', ta' jmeë' hnäh' hñaa' hoh'. ² Peer' kyen' hu' dsë' kyah' hnäh'. He' gwa' kih' Dio ba' ja', he' la' lä'ja' kin'. Jëeh', ma'kwaan' hnäh' kih' jaa' dsa'nüuh'. Hi' he' he' Cristo. Hi' hnoon' mi'jnään' hnäh' kiyh' lä'koo' jaa' chih'më' hi' na'jngëe' go'te'. ³ Pero gohn' wa'ra' ga'la' kyah' hnäh' lä'koo' ga'la' kih' Eva. Kyaah' may' ga'mi'goo' miih' kiyh'. Lä'ja' hii' goo' mi'gaay' hnäh' ka'läh'. Heey' hu' dsë' kyah' hnäh' mah' mo'so' hnaah' hnäh' Cristo lä'kaa' tuh'hoh' hnäh'. ⁴ Jëeh', cher'mah' ga'lla'nää' wa' hi' cha' hi', hi' kwa' jyoh' juu' he' sa' jeeh' kwee' kyaah' juu' kih' Jesús he' kwa' jnääh', lä'chah' ja' heeh' hnäh'. Hi' heeh' hnäh' jyoh' jmi'le' he' sa' la' Jmi'le' Na'jngii' he' ma'heeh' hnäh' jää'. Hi' heeh' hnäh' jyoh' ju'hmëë', he' sa' jeeh' kwee' kyaah' ju'hmëë' he' ma'heeh' hnäh'. ⁵ Go' laan', sa' kyee' ga' apóstole hi' jmää' hñii' kaah' lä'koh' ga' jnä'. ⁶ Ma'ke' sa' hlëehn' kyaah' juu' na'hñaa', pero cha' ba' hu' dsë' llu' kin'. Joh' jiih' sa' ga'mi'jnään' he' ja' kyah' hnäh'.

⁷ Pero ga'jmään' hñiin' jaa' hi' hwaä' mah' leeh' hnäh' kaah'. Jëeh', sa' ga'koon' jñeen' ma' ga'kwan' ju'hmëë' kih' Dio jee' kyah' hnäh'. ¿Che' jwa' ga'jmeen' hliih' he' ga'jmeen' lä'ja'? ⁸ Ga'kan' kuu' kih' øøh' jne' hi' tääh' ta' jee' jyoh', ga'koon' jñeen' mah' jmeen' ta' jee' kyah' hnäh'. ⁹ Lä'koo' ma' gyan' jee' kyah' hnäh', sa' ga'lla'kyaan' hnäh' ni' miih' jmi' ma' ga'jmeë' bii' kin'. Øøh' jne' hi' ya'nää' ta' Macedonia ba' ga'kwa' be' kin' lä' ma' ga'lla'kyaan'. Sa' ga'kwan' jwë' ma' kah' hnäh' hu' dsë' kin'. Hi' ngoo' ba' jmeen' lä'ja'. ¹⁰ Kyuuh' ba' jnä' ju'dsoo' kih' Cristo. He'ja' man', ni' jaa' sa' ha' kin' he' chaan' llu' he' sa' koon' jñeen' lä'kaa' jee' jwi' he' na'he' hwa' Acaya. ¹¹ ¿He'la' jmeen' lä'ja', laah' hnäh'? O, ¿ché' laah' hnäh' he' sa' hnaan' hnäh'? Ñe' ba' Dio he' hnaan' hnäh'.

¹² Hi' ngoo' ba' jnä' jmeen' lä'ja', mah' sa' kwan' jwë' kih' hi' hlëeh' llu' kih' hñii', hi' jäh' jmeë' ja'ba' lä'koo' jmeë' jnääh'. ¹³ Dsa' he' jäyh' laay' apóstole. Pero ta'juu' bih'. Mi'gaay' dsa', jmäy' hñii' lä'koo' apóstole kyaa' Cristo. ¹⁴ Ja' he' jmeë' dsaa' dsë' jne' juu' la'. Jëeh', lä'kye' Tana' jmää' hñii' lä'koo' jaa' ángel hi' kye' jmëe'. ¹⁵ Hi' lä'ja' la' kih' hi' jmeë' ta' kiyh' ka'läh'. Jëeh', ja' juu' he' cha' na' na', he' jmäy' hñii' hi' lluu'. Pero wa'ra' ga'të' jee' llaa' jmi' liyh' jñeey' lä'koo' te' ta' he' jmeey'.

Ga'jmää' Paa' hñii' lä'koo' jaa' hi' sa' cha' huu'dsë' kih'

¹⁶ Koo' ka'läh' jwëehn' hnäh': Ni' jaa' hnäh' ta' jmee' hnäh' huu'dsë' he' ngaahn'. Pero cher'mah' lä'ja' laah' hnäh', kwa' hnäh' jwë' kin' hlëehn' hnäh' lä'koo' jaa' hi' sa' cha' huu'dsë' kih' mah' lä'ja' jmään' miih' hñiin' jøøh' lä'koo' jmee' hi' he'. ¹⁷ He' jmään' hñiin' jøøh', sa' hlëehn' lä'koo' hnøø' Dio, he' hlëehn' lä'koo' jaa' hi' ngaah' ba'. ¹⁸ Peer' jwëë' hi' jmää' hñii' kaah' lä'koo' tëë' jmee' dsa' jmi'gyuu', hi' ja'ba' lä'ja' jmee' jnä' ka'läh'. ¹⁹ Ma'ke' cha' huu'dsë' kyah' hnäh', pero kwëeh' hoh' hnäh' cha'miih' kyaah' hi' ngaah' he'. ²⁰ Hi' lä'ja' kwëeh' hoh' hnäh' ma' jmeey' hih' kyah' hnäh', ma' jñuuyh' he' cha' kyah' hnäh', kaayh' hnäh' lä' tē' dsëy', jmäy' hñiiy' kaah' jee' kyah' hnäh', lä'jiih' jnooy' mo'neh' hnäh'. ²¹ Na'hiihn' miih' he' jwëehn' hnäh' he' sa' beë' jnääh' jmee' jnääh' lä'koo' jmee' dsa' he'.

Pero lä'koo' tuu' dsë' dsa' he' jmäy' hñiiy' kaah', jnä' ka'läh' tuu' dsën' jmeen' lä'ja', ma'ke' hlëehn' lä'koo' jaa' hi' sa' cha' huu'dsë' kih'. ²² Hi' he' jäh' laay' dsa' hebreo, ja'ba' lä'ja' laa' jnä'. Jäyh' laay' dsa' Israel, ja'ba' lä'ja' jnä' ka'läh'. Jäyh' laay' sa'ju' kih' Abraham, ja'ba' he' ja' laa' jnä'. ²³ Jäyh' jmeey' ta'he' kih' Cristo. Pero cha'gamiih' jmee' jnä'. Ngoo' ba' jnä' hlëehn' lä'koo' jaa' hi' ngaah'. Cha'gamiih' ta' he' ma'jmeey' jnä', cha'gamiih' jiih' ma'neen' neh'ne' lä'koh' ga' dsa' he'. Cha'gamiih' ga'jmi' ga'baa' dsa' jnä'. Joh' jiih' sa' ga'laan' he' ma' jngëeh' dsa' jnä'. ²⁴ Ja' koo' hä' ga'jmi' dsa' judiu' kin' ma' gyii' gya' ñu' si'hñii'. Lä'jiih' ga'të' hña' jiih' ga'jmeey' lä'ja' kin'. ²⁵ Hnë' jiih' ga'jmiy' kin' kyaah' si'hma'. Koo' hä' ga'te' dsa' kuu' kin'. Hnë' jiih' ga'laan' jee' ga'hmeh' barco' neh' jmi'. Koo' hä' ga'jän' koo' jmi' koo' hwë' jee' to'dsaah' jmi'neeh'. ²⁶ Sa' na'he' jiih' ngoon' hi' jahn' jee' uu'. Ga'hii' goo' kin' jee' haan' cha'jmi' juuh', lä'ja' kyaah' dsa' hii' hi' kyaah' dsa' goon' hi' kyaah' hi' chaa' ta' jee' jyoh' ka'läh'. Ga'hii' goo' kin' jee' jwii' juuh' hi' ta' jee' sa' chaa' dsa'. Ga'hii' goo' kin' cha'jmi'neeh' hi' lä'ja' kyaah' hi' jäh' laa' øøh' jne'. ²⁷ Cha'miih' ta' ga'jmeen', ga'jëen' cha'miih' wii'. Cha' hwë' sa' ma' gwiiin'. Ga'lä'kyohn', ga'lä'kii' dsën'. Ja' he' koo' hä' sa' ga'lä'cha' he' ma' kuhn'. Ga'ngëen' gyuu' hi' sa' ga'lä'cha' hmiih' ma' këhn'. ²⁸ Ja' ma'la' he' ja'. Lä'jë' jmi' ba' kyen' huu'dsë' kih' lä'jë' gwah'. Peer' wii' dsa'ngëen'. ²⁹ Kyaah' lä'jëë' hi' sa' cha' be' kih', jnä' ka'läh' jii' kin'. Hi' gwa' ya'jëë' dsën', wa'ra' ga'jmeey' dsa' täh' jaa' øøh' jne'.

³⁰ Wa'ra' jäh' kih' jmee' bii' hlëehn' llu' kih' hñiin', ma'ja' hlëehn' kih' he' mi'jnää' he' sa' cha' be' kin'. ³¹ Dio Jmi' Jesús, Dsa'jøøh' jnän', hi' na'jäa' ga'lä'jë' joh' jmi' cha', hi' he' ñe' he' sa' hlëehn' juu' ta'juu'. ³² Koo' hä' lä' ma' gyan' jee' jwii' Damasco, llé'moh' kyaa' rey Areta ga'jmeey' mada' ga'høø' dsa' lä'kaa' ho'haah' kih' chuuh' jwii' he' hnøøy' ma' saayh' jnä'. ³³ Pero neh' koo' hma'ta' ga'jñaa' dsa' jnä' ta'

ho'haah' pih' he' ma' na'hē' dsoh' na'hyah'. Lā'ja' ba' ga'laan' he' ma' saah' dsa' jnä'.

Ga'jēē' Paa' koo' jee' la' na'hñaah'

12 ¹ Sa' jmää' ta' he' jmään' hñiin' jøøh'. Pero ma'ra' he' hlēehn' kih' koo' he' ga'hēē' mi'nēn' he' ga'mi'jnää' Dsa'jøøh' jnän'. ² Kyuun' jaa' øøh' jne' hi' ga'tēē' Dio lä' ga'tē' hnē' jwēē' kih' gyuu' jmi'gyuu' ma'hya' gya'kye' ji'ñē'. Sa' man' ha' lä' ga'jäā' dsih', che' lä' ma'na'hñaay' o che' kyaah' ma'la' jmi'lle' kiyh'. Hñii' ba' Dio ñē' ha' lä' ga'la'. ³ Kyuun' ba' jnä' dsa' he'. Sa' man' ha' lä' ngooy', che' lä' ma'na'hñaay' o che' kyaah' ma'la' jmi'lle' kiyh'. Hñii' ba' Dio ñē'. ⁴ Ga'jäā' dsih' koo' jee' jnä' na'hñaah'. Jee' ja' ga'nuuy' ga'hlēēh' juu' he' sa' le' hlēēh' jne' hi' sa' cha' ni' jaa' hi' na'ngē' jwē' hlēēh'. ⁵ Kih' dsa' lä'ja', le' ba' jmää' jnih' jøøh', pero sa' jmään' hñiin' jøøh'. Kih' he' mi'jnää' he' sa' cha' be' kin', ma'la' kih' he' na' ba' jmään' hñiin' jøøh'. ⁶ Cher'mah' hnoon' jmään' hñiin' jøøh', ja' he' ngaahn' ja', jēēh' hlēehn' ju'dsoo' ba'. Pero sa' jmeen' lä'ja' mah' ni' jaa' sa' jmee' huud'sē, jøøh' ga' jnä' lä'koo' jēēy' jmeen' o lä'koo' nuuy' hlēehn'.

⁷ He'ja' ja' nē' jmi'ngo' kin' he' jmee' jwiih'. La' lä'koo' too' he' ja' mada' kih' Tana' mah' heeh' jnä' wii'. He' ja' jmää' kin' mah' sa' jmään' hñiin' jøøh', lä'llu' he' ga'jēēn' koo' he' la' na'hñaah' he' sa' ma'jēēn' jih'koh'. ⁸ Hnē' jiih' ga'chuun' kyaah' Dio mah' jñuuyh' he' jmee' jwiih' kin'. ⁹ Pero lä'la' ba' ga'jēēh' Dio juu' kin': "Ma'lee' ba' kyah' he' llu' dsēn' kyaah' hne'. Jēēh' cha'ga'mi'ih' lä'jnä' be' kin' kyaah' dsa' hi' sa' cha' be' kih'", ga'jäyh'. He'ja' lä'kaa' tuh'dsēn' jmään' hñiin' jøøh' kih' he' sa' cha' be' kin' mah' ja' nē' kin' be' kih' Cristo. ¹⁰ Kih' he'ja', chaan' llu' lä' ma' sa' cha' be' kin', ma' hlēēyh' wii' kin', ma' lla'kyaan', ma' jmeeh' dsa' jnä', ma' jēēn' wii' kwaat' kih' Cristo. Jēēh' lä' ma' sa' beēn', ma'ja' cha' be' kin'.

Ma' kye' Paa' huud'sē kih' lä'jēē' øøh' jne'

¹¹ Dsēēh' hnäh' dsoo' he' ga'jmeen' lä'koo' jaa' hi' sa' cha' huud'sē kih', jee' ga'jmään' hñiin' jøøh'. Hnäh' ba' ga'tēēh' hnäh' ma' hlēēh' hnäh' llu' kin'. Jēēh' hi' jäh' laa' apóstole kaah' sa' kyeē' ga' hi' he' lä'koh' ga' jnä', ma'ke' sa' cha' laan' ni' miih'. ¹² Kih' he' jøh' dsēn' ba' ga'jmeen' lä'jē' he' la'. Ga'jmeen' cha'mi'ih' lii', ga'jmeen' he' juh'gaa', ga'jmeen' he' dsaa' dsē' dsa' jee' kyah' hnäh'. Lā'ja' ga'mi'jnään' ma'ra' he' laan' apóstol. ¹³ Koo' ba' he' ga'jmeen' ta' jee' jyoh' jee' tääh' øøh' jne', he' ja' sa' ga'jmeen' kyah' hnäh'. Ga'ngiin' kiyh' he' ma' jmee' bii' kin'. ¿Che' kih' he'ja', laah' hnäh' sa' taahn' hnäh' ta'? Jmee' hnäh' jøh' hoh' kih' he' sa' ga'ngiin' kyah' hnäh' ka'läh'.

¹⁴ Jee' la' tē' hnē' jiih' he' ma'na'lluun' na'jēēn' hnäh'. Ni' lä'ja' sa' ngiin' kyah' hnäh' he' jmee' bii' kin'. Sa' na'hñøøhn' he' cha' kyah'

hnäh'. Hnoon' heeh' hnäh' jnä' ba'. Jëeh', ja' he' chih' hi' ga'tëë' juh'lääh' he' hnøø' kih' cho'jmii'. Cho'jmii' chih' ba' hi' ga'tëë' juh'lääh' he' hnøø' kih' chih' kyaah'. Lä'ja' la' kin' kyaah' hnäh' ka'läh'. ¹⁵ Lä'kaa' tuh'dsën' mi'llan' lä'jë' he' cha' kin' lä'jiih' kwaan' hñiin' juun' kwaat' kyah' hnäh'. Ma'ke' cha'ga'miih' hnaan' hnäh' koø' hä' koø' hä'. Pero hnäh', miih' go'te' ba' hnaah' jnä'.

¹⁶ Lä'ja' ga'la', sa' ga'llan' lleh' hnäh' kih' he' ma' jmee' bii' kin'. Pero ko'llaa' dsa' jäh', kyaah' may' ba', ga'jmeen' ga'tah' hnäh' neh' sa'lä'. ¿Che' jwa' ga'jmeen' lä'ja' mah' ga'mi'gaan' hnäh'? ¹⁷ Sa' ga'mi'gaan' hnäh' lä' ma' ga'cheen' øøh' jne' jee' tääh' hnäh'. ¹⁸ Ga'chuun' kyaah' Tito mah' dsooy' jee' tääh' hnäh' hi' ga'cheen' ga'jaa' øøh' jne' kyaayh'. Hi' ni' miih' sa' ga'mi'gaa' Tito hnäh'. Jëeh', koø' nëe' ba' huudsë' kye' jnääh'. Ja'ba' lä'koø' jmee' jnä', jmee' Tito ka'läh'.

¹⁹ Ta' wa' laah' hnäh' he' hnøø' jnääh' hwëë' jnääh' llu' cha'nëh' hnäh'. Ni' miih' sa' la' lä'ja'. Ñe' ba' Dio he' hlëeh' jnääh' lä'koø' lle' kih' hi' laa' kyaah' Cristo. Øøhn' hi' hnaan' cha'miih', lä'jë' juu' he' sii' jnääh' la', he' llu' kyah' hnäh' mah' kwa' be' kyah' hnäh' go'nääh' hnäh' ta' cha'në'. ²⁰ Gohn' miih' wa'ra' ga'lloon' jee' tääh' hnäh', jëen' hnäh' jmeeh' hnäh' he' sa' tih' dsën'. Hi' lä'ja' hnäh' ka'läh' jëeh' hnäh' jmeen' he' sa' tih' hoh' hnäh'. Lä'ja' le' cher'mah' ga'jëen' hnäh' ti'hnee' hnäh', wi' hoh' hnäh', hää' hnäh', jmeeh' hnäh' jñah' nää', hlëeh' hnäh' wi' kih' dsa', koo'h' hnäh' juu' jwi', jmää' hnäh' hñaah' kaah', jmeeh' hnäh' wa' la' cha' la'. ²¹ Kyen' miih' huudsë' wa'ra' ga'lloon' ka'läh' jee' tääh' hnäh', ha' ga' che' ga'jmeë' Dio ga'jän' o'hih' kwaat' kyah' hnäh'. Lä'jiih' jä' hoo'h', cher'mah' jwëë' hnäh' tääh' hnäh' jmeeh' hnäh' dso'kye' hi' sa' ma'beh' hnäh' lä'jë' he' mi'soh' tuh'hoh' hnäh', hi' lä' ma'kaah' ba' hnäh' wa' hi' cha' hi', hi' jmeeh' hnäh' he' la' o'hih' he' ma' jmeeh' hnäh' jää'.

Ga'hih' Paa' juu' kih' øøh' jne' hi' tääh' Corinto

13 ¹ Jee' la' tē' hnē' jiih' he' niin' na'jëen' hnäh'. Lä'la' na'sii' juu' kih' Dio: "Wa' he' cha' he' hñii' he' cha' kih' dsa', lä'ee' ba' kyaah' ju'dsoo' he' jmee' uu' uu' dsa'." ² Ga'jwëëhn' hnäh' jää', hi' na' he' ma'gyan' uu' kyah' hnäh', jwëëhn' hnäh' ka'läh'. Hi' wa'ra' ga'lloon' jee' tääh' hnäh', jee' ja' tē' hnē' jiih' he' jwëëhn' hnäh'. Ma'ja' mo'so' jmeen' jøh' dsën' kih' hi' tääh' jmee' wa' la' cha' la', hi' lä'ja' kih' hi' tääh' jmee' ga' lä'jiih' na'. ³ He' hnooh' hnäh' jëeh' hnäh' che' dsoo' ba' hlëehn' lä'koø' mada' kih' Cristo. Jëeh', hi' he' mi'jnää' be' kih' jee' kyah' hnäh'. Sa' laay' lä'koø' jaa' hi' sa' cha' be' kih'. ⁴ Ma'ke' dsoo' ga'tää' dsih' dsöh' hma'cru' lä'koø' jaa' hi' sa' cha' be' kih', pero chaa' bih' kyaah' be' kih' Dio. Ja'ba' lä'ja' jnääh' hi' laa' koø' kyaah' Cristo, ga'nøø' jnääh' lä'koø' he' sa' cha' be' kyaah' jnääh'. Pero kyaah'

be' kih¹ Dio chaa⁻ jnaah¹ ta⁻la⁺ kih¹ Cristo mah¹ kwa⁺ jnaah¹ be' kyah¹ hnah³.

⁵ Kye⁻ da' hnah³ kwaat[~] kyah¹ hnaah¹ hnah³, che' la⁻ ma⁻dsoo³ ja⁻ba⁺ hoh³ hnah³ kih¹ Cristo. Jee⁻ da' kyah¹ hnah³ hnaah¹. ¿Che' sa⁻ neh³ hnah³, Jesucristo hää⁺ jee⁺ kyah¹ hnah³? Pero cher⁺ mah¹ sa⁻ la⁺ la⁻ja⁻, he⁻ sa⁻ laah¹ hnah³ kwaat[~] ba⁺ ja⁻. ⁶ Hnoon¹ lä⁻neh³ hnah³ he⁻ laa⁺ jnaah¹ kwaat[~]. ⁷ Ngii⁺ jnaah¹ kih¹ Dio mah¹ jmeeh¹ hnah³ he⁻ llu¹ jmah¹ ba⁺. Sa⁻ jwahn⁻ lä⁻la⁻ mah¹ jä⁺ jnaah¹ llu¹. He⁻ hnøø⁻ jnaah¹ go⁺taah⁺ hnah³ lä⁻koo⁻ lle⁻ kih¹, ma⁻ke⁻ ga⁻jä⁺ jnaah¹ lä⁻koo⁻ jaa⁻ hi⁻ sa⁻ laa⁺ kwaat[~]. ⁸ Jeeh³, ni⁻ miih⁻ sa⁻ le³ lla⁺dsëe⁻ jnaah¹ kih¹ ju⁺dsoo³. Jmee⁻ jnaah¹ lä⁻ hnøø⁻ ju⁺dsoo³ ba⁺. ⁹ He⁻ ja⁻ jee⁻ dsëe⁻ jnaah¹ lä⁻ ma⁺ sa⁻ cha⁻ be³ kyaa⁺ jnaah¹, mah¹ lä⁻ja⁻ hnah³ lä⁻cha⁻ be³ kyah¹ hnah³. Ga⁻nøø⁺ jnaah¹ ngii⁺ jnaah¹ kyah¹ hnah³ mah¹ hwëe⁻ hnah³ llu¹ go⁻te[~]. ¹⁰ Kih¹ he⁻ja⁻ ba⁺ na⁻, siin⁻ lä⁻la⁻ kyah¹ hnah³ ma⁻ke⁻ gyan⁺ uu³, mah¹ wa⁺ra⁻ ga⁻lloon¹ jee⁺ tääh⁺ hnah³, sa⁻ cha⁻ he⁻ kih¹ jmeen⁻ hää⁻ kyaa⁺ hnah³, kyaa⁺ be³ he⁻ ga⁻hyohn¹ kih¹ Dsa⁻jøøh¹ jnan⁻. He⁻ hnøøy¹ kwan⁻ be³ kih¹ dsa⁻ ba⁺, ja⁻ he⁻ heeh⁻ jnih³ wii³.

¹¹ Kyaah⁺ jee⁺ ga⁻dsaa⁺ juu¹ he⁻ siin⁻ kyah¹ hnah³, jwëehn[~] nah³ øøhn¹, wa⁺ jee⁻ hoh³ hnah³. Hnøøh¹ hnah³ ha⁻ lä⁻ jee⁺ go⁺taah⁺ hnah³ llu¹ cha⁻ga⁺miih⁻, wa⁺ nøh¹ hoh³ hnah³, wa⁺ la⁺ koo⁻ nëe¹ ba⁺ hu⁺dsëe⁻ kyah¹ hnah³, wa⁺ hii⁺ tii⁺ kyah¹ hnah³. Hi⁻ Dio hi⁻ hnää¹ jne⁺, hi⁻ jmee⁻ hii⁺ tii⁺ jnan⁻, jäy⁺ jee⁺ jnan⁻. ¹² Jmee⁺ hnah³ Dio kih¹ dsa⁻kyaa⁺ hnah³ hi⁻ ja⁻ chuh⁻ hnah³ kiyh¹ lä⁻ hnøø⁻ Dio. ¹³ Lä⁻jëe⁻ hi⁻ laa⁺ kyaa⁺ Dio jmee⁻ Dio kyah¹ hnah³.

¹⁴ Wa⁺ mi⁻ jää⁺ Jesucristo Dsa⁻jøøh¹ jnan⁻ lä⁻jëe⁻ hnah³. Wa⁺ hnää¹ Dio ga⁻lä⁻jëe⁻ hnah³. Hi⁻ Jmi⁻lle³ Na⁻jngii¹ wa⁺ laa⁺ ko⁻jøh³ kyaa⁺ hnah³. Wa⁺ la⁺ lä⁻ja⁻.